

Javno preduzeće/poduzeće
Regionalni vodovod „Plava voda“ d.o.o. Travnik

Broj: 02/21

Datum: 04.01.2021.g.

PROJEKAT „PLAVA VODA“
-INFORMACIJA -

Uprava JP RV „Plava voda“ d.o.o. Travnik:

VD Zamjenik direktora:

Ivica Harambašić



VD Direktor:

Ernad Granić



SADRŽAJ

INFORMACIJA O PROJEKTU „PLAVA VODA“	3
1. Uvod.....	3
2. Specifičnosti Projekta „Plava voda“	3
3. Historijat Projekta „Plava voda“	5
4. Preregistracija i uspostava Preduzeća JP RV „Plava voda“ d.o.o. Travnik.....	6
5. Izdašnost izvorišta i ekološki minimum vodotoka Plava voda.....	7
6. Koncesija nad izvorištem „Plava voda“	8
7. Izrada Projektne dokumentacije.....	9
8. Osiguravanje potrebne dokumentacije – dozvola.....	10
9. Proglašenje javnog interesa Projekta „Plava voda“	13
10. Aktivnosti na provođenju procesa eksproprijacije	13
11. Aktivnosti na vodozaštitnoj zoni.....	14
12. Komponente Projekta „Plava voda“ – finansijski prikaz.....	14
13. Osiguravanje finansijskih sredstava za implementaciju Projekta.....	15
14. Priprema tenderske dokumentacije	20
15. Uređenje turističke zone Plava voda	22
16. Donacije za općinska komunalna preduzeća - Sida Grant.....	23
17. Komunikacija sa zainteresiranim stranama	24
18. Dalje aktivnosti na realizaciji Projekta „Plava voda“	25
19. Jedinica za implementaciju Projekta (PIU):	26
20. Upravni Odbor Projekta:.....	26
21. Funkcionisanje Preduzeća	26
22. Završna napomena	27
PRILOZI:.....	28



INFORMACIJA O PROJEKTU „PLAVA VODA“

1. Uvod

Informacija o Projektu „Plava voda“ je izrađena od strane JP RV „Plava voda“ d.o.o Travnik (u daljem tekstu Preduzeće) u cilju davanja Općinskom vijeću Travnik i Gradskom vijeću Grada Zenice (a po potrebi i ostalim zainteresiranim stranama) jasnijeg prikaza o realiziranim aktivnostima i trenutnoj situaciji na Projektu „Plava voda“.

Podsjećamo da su prema Statutu, Općinsko vijeće Travnik i Općinsko vijeće Zenica (sada Gradsko vijeće Grada Zenice) osnivači Preduzeća.

Razloga za dostavu ove Informacije je više, a najbitniji su slijedeći:

- Preduzeće već više od godinu posluje bez Nadzornog odbora čime je onemogućeno redovno podnošenje izvještaja o radu preko organa upravljanja;
- obzirom na značaj Projekta procijenili smo da bi bilo svrsishodno da na ovaj, direktan način, Općinskom vijeću Travnik i Gradskom vijeću Zenica prikazemo ključne informacije o realizaciji Projekta.

Na žalost, postoji još jedan razlog zbog kojih smatramo da je bitno dostaviti ovu Informaciju, a to je realna mogućnost da se EBRD kao glavni finansijer, zbog velikih kašnjenja koji su prouzrokovani nepoštivanjem preuzetih obaveza pojedinih aktera u Projektu, povuče iz Projekta. Ova kašnjenja su kontinuirana i već su prouzrokovala da je grejs period od tri godine istekao (a vrijeme grejs perioda uglavnom potrošeno na rješavanje administrativnih barijera koje su nastale unutar i između institucija-direktnih ili indirektnih učesnika Projekta). Tako da sad imamo situaciju da su učesnici Projekta (općine, kantoni i Fond) već platili redovnu proviziju EBRD-u, plaćaju troškove na nepovučena sredstva, a istovremeno Preduzeće zbog nepravovremenog ispunjenja obaveza pojedinih učesnika nije u mogućnosti intenzivirati aktivnosti na eksproprijaciji i provođenju tendera (tj. potpisivanju ugovora sa izvođačem i nadzorom radova). Naime, uzročno-posljedična veza između svih aktivnosti (administrativnih, tehničkih i finansijskih) je izuzetno izražena pa neblagovremeno sprovođenje bilo koje planirane aktivnosti od strane bilo kojeg učesnika dovodi do cjelokupnog zastoja na svim komponentama realizacije Projekta. A takvi zastoji onda imaju za posljedicu da Preduzeće na operativnom nivou mora da opetovano provodi iste radnje i sprovodi iste aktivnosti po nekoliko puta pri čemu se pokazuje kao uspjeh i činjenica da se Projekat uopšte i do sada „održao u životu“. Ovaj „uspjeh“ je više nego porazan i za samo Preduzeće, pogotovo ako se ima u vidu da je interni plan sadašnjeg menadžementa prilikom preuzimanja dužnosti bio da se Projekat u cjelosti implementara u periodu od maksimalno šest godina.

2. Specifičnosti Projekta „Plava voda“

Projekat „Plava voda“ ima svoju tehničku, administrativnu, finansijsku kompleksnost i problematiku kao i svaki drugi projekat ovakvog ili sličnog formata tako da nećemo davati osvrt na aktivnosti koje su uglavnom uobičajene u području projekt menadžementa. U ovom poglavlju ćemo navesti samo određene specifičnosti koje znatno utiču (uglavnom otežavaju) realizaciju Projekta „Plava voda“, a koje nisu baš često sastavni dio realizacije sličnih projekata u našem okruženju.



Te specifičnosti su slijedeće:

- a. Projekat „Plava voda“ se pokušava realizovati još od 70-ih godina i svi dosadašnji pokušaji su bili neuspješni. To je doprinijelo da je u javnosti (a i u nekim institucijama) stvorena negativna konotacija (negativan „imidž“ Projekta) u smislu da je Projekat nemoguće implementirati, da je i ovo samo još jedanod bezuspješnih pokušaja jer ako se nije uspio implementirati u bivšem sistemu, ni sada to sigurno neće biti moguće;
- b. U Travniku je još iz tog perioda prenesena „u naslijeđe“ percepcija da će implementacijom Projekta stanovnici Travnika ostati bez vode, da je Plava voda prodana Zenici, da će korito Plave vode u turističkoj zoni presušiti i sl.
Preduzeće je poduzelo niz mjera da se ova predodžba odstrani i ublaži (transparento se prikazuje odnos stvarnog protoka i količine vode koja se planira zahvatiti u Regionalni vodovod, postavljena je mjerna stanica za mjerenje protoka - u saradnji sa Institutom za hidrotehniku (HEIS), u projektnoj dokumentaciji se poštuju mjere predviđene u Okolinskoj dozvoli za umanjeње svih negativnih efekata do kojih bi realizacija Projekta mogla dovesti i dr.
- c. U Zenici postoje mišljenja da je „Plava voda“ potpuno nepotreban projekat za grad Zenicu, da Zenica vode već ima sasvim dovoljno, da je učešće u Projektu za Zenicu preskupo, itd. Ovakva mišljenja, iako su neformalna, smanjuju motivaciju i odlučnost svih učesnika (ne samo iz Zenice) za realizaciju Projekta;
- d. U Projekat su kao direktni korisnici uključene četiri¹ općine (Travnik, Zenica, N.Travnik i Busovača) sa različitim kapacitetom učešća u Projektu što samo po sebi daje jednu dimenziju specifične kompleksnosti;
- e. Projekat se realizuje na dva kantona (SBK i ZDK) što administrativno znatno usporava i komplikuje realizaciju jer dobar dio relevantnih dokumenta podliježe usaglašavanju između općinskog, kantonalnog, a onda, po automatizmu i Federalnog nivoa;
- f. U Projekat su kao učesnici zaduženja i otplate kredita naknadno uključeni i SBK, ZDK te Fond za zaštitu okoliša (u daljem tekst Fond), svako sa svojim specifičnim procedurama koje je potrebno ispoštovati da bi se planirani angažman realizovao;
- g. U finansiranje Projekta su uključene dvije banke EBRD (Europska banka za obnovu i razvoj) i CEB (Razvojna banka Vijeća Europe) pri čemu EBRD po svojoj politici ne finasira troškove eksproprijacije koja je jedan od glavnih preduslova za otpočinjanje radova, a angažman sredstava banke CEB je, između ostalog, uslovljen za provedenu proceduru zaduženja sa bankom EBRD;
- h. Financijska konstrukcija zaduženja i otplate² je takva da u potpunosti zavisi od svakog učesnika u otplati i da zastoј u ispunjenju svojih obaveza od strane bilo kojeg učesnika zaustavlja čitav proces;
- i. Svako dugotrajnije zaustavljanje ili usporavanje planirane realizacije Projekta, stvara obavezu Preduzeća u smislu obnove već pribavljene dokumentacije (koja obično ima rok važenja), tako

¹ Do 2018.g. u Projektu je kao korisnik bio uključen i Vitez.

² Ova financijska konstrukcija je napravljena (znači početna je izmjenjena) na inicijativu Grada Zenice u cilju da se olakša povrat kredita (odnosno umanjí iznos povrata koji bi išao direktno sa budžeta Grada).



- da je u proteklom periodu, Preduzeće u više navrata pribavljalo istu dokumentaciju po nekoliko puta;
- j. Glavni projekat koji je izrađen 2011.g., a od tog perioda se pojavilo niz zahtjeva općina za nekoliko ključnih izmjena koje se mogu uvrstiti samo preprojektovanjem i posebnim prilagođavanjem tendera;
 - k. Isključivanje općine Vitez iz Projekta je dodatno stvorilo obavezu izmjene do tada osigurane i izrađene dokumentacije;
 - l. Preduzeće nema mogućnost ostvarivanja svojih sredstava, niti ima mogućnost komercijalnog kreditnog zaduženja, nego se finansira iz budžeta Općine Travnik i Grada Zenice, a obzirom da je to finansiranje ograničeno i svedeno samo na najosnovnije potrebe time je ponekad onemogućeno da se interventno reaguje i sa relativno neznatnim iznosom da bi se realizacija Projekta ubrzala;
 - m. Preduzeće nikad nije kadrovski popunjeno (zbog nedostatak sredstava od strane osnivača) sa planiranih pet zaposlenika, nego je najveći period u Preduzeću radio samo Direktor, Zamjenik i tehnička sekretarica, a tek kasnije su angažovani i jedan pravnik i inženjer građevine (ali samo privremeno, po ugovorima o djelu i/ili ugovorima na određeno vrijeme);
 - n. PIU tim koji bi trebao da podrži rad Preduzeća je imenovan, ali su članovi koji su imenovani ispred općina osobe koje već rade u svojim matičnim institucijama i na svojim redovnim poslovima, tako da ne mogu biti iskorišteni na Projektu „Plava voda“ u punom kapacitetu;
 - o. Konsultanti koji su angažovani na pripremi Projekta su usmjereni samo na svoj specifično određeni Projektni zadatak te ni oni ne mogu dati velik doprinos u harmonizaciji svih potrebnih aktivnosti van njihovog Projektnog zadatka, od kojih zavisi realizacija cjelokupnog Projekta.

Metodika dalje izrade „Informacije“ se zasniva na opisu aktivnosti po tematskim cjelinama koje su sprovedene do mjeseca decembra 2020.g., sa akcentom na aktivnostima koje su ocijenjene kao ključne za nastavak realizacije Projekta, a pri čemu su gore navedene specifičnosti i njihov uticaj na Projekat detaljnije obrađeni.

3. Historijat Projekta „Plava voda“

Ideja o implementaciji Projekta „Plava voda“ datira još od 70-ih godina prošlog vijeka, a sve u cilju dugoročnog unapređenje vodosnabdijevanja općina Travnik i Zenica. Kao zainteresirane strane, tj. potencijalni učesnici realizacije Projekta su u većoj ili manjoj mjeri uvijek bile prisutne i općine Novi Travnik i Vitez, a kasnije i Busovača.

S tim vezi, postignut je i „Društveni dogovor o izgradnji i korišćenju Regionalnog vodovoda „Plava voda“ za snabdijevanje pitkom vodom područja opštine Travnik, Pucarevo, Vitez i Zenica“ („Sl.Glasnik opštine Travnik, br.: 9/85), a nakon toga zaključen i „Samoupravni sporazum o međusobnim pravima i obavezama opština Travnik i Zenica u vezi sa osnivanjem radne organizacije Regionalni vodovod „Plava voda“ („Sl.glasnik opštine Travnik, 1987.g., br.: 6). Na osnovu ovog „Samoupravnog sporazuma“, Skupština općine Travnik (na sjednici Vijeća udruženog rada, 14.12. 1989.g.) i Skupština općine Zenica (na sjednici Vijeća udruženog rada i Vijeća mjesnih zajednica, 31.1.1990.g.) donijele su „Odluku o organizovanju Javnog preduzeća Regionalni vodovod „Plava voda“ Travnik“.



Realizacija Projekta je nastavljena poslije rata, a 30.06.2000.g., JP Regionalni vodovod „Plava voda“ Travnik sa Federalnim ministarstvom poljoprivrede, vodoprivrede i šumarstva (FMPVŠ) sklapa „Ugovor o koncesiji za korištenje vode izvorišta „Plava voda“ u Travniku za javno snabdijevanje vodom općina Travnik, Novi Travnik, Vitez, Busovača i Zenica“. Neposredno nakon toga (04.07.2000.g.), FMPVŠ izdaje Rješenje o davanju saglasnosti za prenos prava, obaveza i odgovornosti utvrđenih Ugovorom o koncesiji sa javnog preduzeća Regionalni vodovod „Plava voda“ Travnik na „Alpine BiH“ d.o.o. Travnik.

Obzirom da se prava i obaveze iz Ugovora nisu ispunjavale, 2005.g. načelnici općina Travnik i Zenica iniciraju ponovno pokretanje projekta „Plava voda“ koje se zasniva na novom konceptu.

4. Preregistracija i uspostava Preduzeća JP RV „Plava voda“ d.o.o. Travnik

U periodu 2005.g. kada je ponovo pokrenuta inicijativa za implementaciju Projekta „Plava voda“, JP Regionalni vodovod „Plava voda“ Travnik je bio u sastavu zajedničkog preduzeća „Alpine BiH“ i u tkzv. fazi „mirovanja“, tj. iako je formalno-pravno postojalo, ovo Preduzeće u praksi nije obavljalo predviđenu djelatnosti. Zbog toga je bilo potrebno sprovesti niz aktivnosti da bi se Preduzeće ponovo stavilo u funkciju, pogotovo imajući u vidu da se u međuvremenu promijenila i zakonska legislativa u našoj državi koja se odnosi na registraciju i funkcionisanje privrednih društava. Najvažnije sprovedene aktivnosti po ovom pitanju su sljedeće:

- izvršena je preregistracija Preduzeća, odnosno donesena je „*Odluka o usklađivanju statusa, oblika, kapitala i djelatnosti Javnog preduzeća/poduzeća Regionalni vodovod „Plava voda“ d.o.o. Travnik sa sjedištem u Travniku ul. Zenjak bb*“ (Sl.novine Općine Travnik 14/09) pri čemu preregistrovano preduzeće ostaje pravni sljednik Javnog preduzeća „Plava voda“ Travnik;
- donešen je Statut Preduzeća;
- formirana je Skupština i Nadzorni odbor Preduzeća;
- formirana je Uprava Preduzeća;
- uposlen je Tehnički sekretar na neodređeno vrijeme;
- na osnovu Ugovora o djelu omogućeno je obavljanje svih ostalih neophodnih funkcija Preduzeća (npr.: knjigovodstveni servis i sl.)
- osposobljene se kancelarije za rad Preduzeće i nabavljena osnovna i pomoćna materijalna sredstva (namještaj, kompjuterska oprema, telefoni, fax, vozilo,..);
- uspostavljena WEB stranica i e-mail adresa;
- doneseni su svi potrebni pravilnici i akti za zakonsko i normalno funkcionisanje Preduzeća;
- stvoreni su preduslovi za upošljavanje i ostalog kadra u budućnosti – po potrebi;
- Preduzeće je u potpunosti preuzelo svu koordinaciju i rukovođenje Projektom „Plava voda“.

Prema dogovoru općina, finansiranje Preduzeća se do daljnjeg realizuje direktno iz budžetskih sredstava Općine Travnik (51%) i Grada Zenica (49%), i to prema trogodišnjem i godišnjem Planu poslovanja koje priprema Preduzeće, a organi upravljanja usvajaju. Međutim, ovdje moramo naglasiti, da se godišnji Plan poslovanja ne priprema prema stvarnim potrebama Preduzeća i Projekta, nego se prema uputama iz Općine Travnik (a onda na osnovu toga i Grada Zenice) mora uklopiti u već predviđeni iznos u budžetu općine za funkcionisanje Preduzeća. U suprotnom, Nadzorni odbor ne usvaja Plan i vraća se doradu (prilagođavanje budžetu).



5. Izdašnost izvorišta i ekološki minimum vodotoka Plava voda

Prilikom pripreme projektne dokumentacije, nastojali su se dobiti što precizniji i naučno utemeljeni podaci vezano za izdašnost izvorišta Plava voda.

Prosječna izdašnost izvorišta Plava voda je naučno-stručno procijenjena na osnovu sistematskih osmatranja u periodu 1975.g., periodu 1984-1986.g., te u periodu 2009-2010.g. Procjenu je izvršio Institut za hidrotehniku Građevinskog fakulteta u Sarajevu, a primjenjena metodika mjerenja i proračuna kao i svi dobiveni rezultati o izdašnosti izvorišta i kvaliteta vode su detaljno obrazloženi u dokumentu „Utvrdjivanje izdašnosti i kvaliteta vode izvorišta Plava voda“ (2010) koji se može dobiti na uvid u Preduzeću.

Na osnovu provednih osmatranja dobivene su slijedeće vrijednosti izdašnosti Plava voda (Q):

$$Q \text{ maksimalno} = 3,72 \text{ m}^3/\text{sek}; Q \text{ minimalno} = 0,70 \text{ m}^3/\text{sek}; Q \text{ srednje} = 2,0 \text{ m}^3/\text{sek};$$

Napominjemo da je Q minimalno izračunato na bazi ranga pojave 1/20 godina (20-godišnjeg povrata) i sa ovom količinom, procjena ostaje na strani sigurnosti (rezerve).

Pitanje količine vode koja će nakon puštanja u rad Regionalnog vodovoda proticati vodotokom u turističkoj zoni Plave vode je pitanje koje izaziva bojaznost naročito kod stanovnika Općine Travnik.

S tim u vezi, i Ugovor o koncesiji (iz 2000.g.) je predvidio da se osigura biološki (ekološki) minimum od 200 lit/sek koji će se morati održavati. Taj biološki minimum, zapravo znači obavezu koncesionara (Preduzeća) da se, u slučaju ekstremno sušnih perioda (tj. ukoliko izdašnost izvorišta (Q) bude oko minimalne) i ukoliko se istovremeno desi da sve općine budu imale potrebu za povlačenjem maksimalno odobrenih količina vode, prioritarno mora osigurati održavanje ekološkog minimuma, a tek onda preostalu količinu vode koristiti za vodosnabdijevanje.

Mora se istaći da po procjenama stručnjaka do ove situacije gotovo da nikad ili vrlo rijetko može doći, međutim u konceptu Projekta „Plava voda“ mogućnost dešavanja ove situacije je uzeta u obzir kao objektivna. Zbog toga (a i na osnovu zahtjeva MZ Stari grad), poduzeto je niz aktivnosti da se u slučaju ekstremnih situacija ovaj minimum poveća za još 200 lit/sek koji će se osigurati iz rezervoara-pumpi koje će se projektovati i izgraditi u sklopu rješenja turističkog uređenja lokaliteta Plava voda. Ovaj uslov povećanja ekološkog minimuma na 400 lit/sek je definisan i u Okolinskoj dozvoli, a i u Aneku II Ugovora o koncesiji.

U cilju što kvalitetnijeg i kontinuiranog praćenja nivoa vodotoka Plava voda, Preduzeće je u 2014.g. instaliralo mjernu stanicu koja omogućava mjerenje vodostaja vodotoka Plava voda u periodu do izgradnje i puštanja u rad regionalnog sistema. Ova aktivnost se provodi u saradnji sa „Institutom za hidrotehniku Građevinskog fakulteta u Sarajevu“ koji vrši sistematska mjerenja nivoa vodotoka.

Posljednji izvještaj Instituta za hidrotehniku (HEIS) o mjerenju hidrološkog režima izvorišta Plava voda, za period 01.01. – 31.12.2019. je sumarno prikazan u slijedećoj tabeli:



Tabela 1: Sumarni prikaz protoka Plava voda u 2019.g.

Mjesec	Maksimalni protok (m ³ /s)	Minimalni protok (m ³ /s)	Srednji protok (m ³ /s)
Januar	1,54	1,41	1,45
Februar	2,31	1,47	1,80
Mart	2,28	1,70	2,11
April	2,56	2,22	2,40
Maj	2,71	2,48	2,60
Juni	2,73	2,45	2,57
Juli	2,43	2,18	2,30
August	2,20	2,04	2,12
Septembar	2,23	1,75	1,89
Oktobar	1,77	1,55	1,65
Novembar	1,66	1,52	1,60
Decembar	2,06	1,59	1,74

Napomena: I za sve ostale godine od 2014.g. moguće je dobiti uvid o mjerenju protoka u prostorijama i na web stranici Preduzeća.

6. Koncesija nad izvorištem „Plava voda“

Obzirom da je nosilac prava, obaveza i odgovornosti utvrđenih Ugovorom o koncesiji bila kompanija „Alpine BiH“ d.o.o. Travnik, potrebno je bilo formalno i pravno koncesiju ponovo vratiti na starog (odnosno sada preregistrovanog) nosioca, tj. JP RV „Plava voda“ d.o.o. Travnik. Ova procedura vraćanja koncesionih prava je zahtijevala sprovođenja niza vrlo kompleksnih procedura nakon kojih je 14.12.2011.g. potpisan „Aneks Ugovora o koncesiji za korištenje vode izvorišta „Plava voda“ u Travniku za javno snabdijevanje vodom općina Travnik, Novi Travnik, Vitez, Busovača i Zenica“ od strane Preduzeća i Federalnog ministarstva poljoprivrede, vodoprivrede i šumarstva (FMPVŠ-a).

Potpisivanjem ovog Aneksa Ugovora, Preduzeće je dobilo pravo korištenja 750 lit/sek u narednih 30 godina isključivo za vodosnabdijevanje ovih 5 općina .

Količina od 750 lit/sek je prema tada važećem dogovoru podijeljena na slijedeći način:

Općina Travnik: 200 lit/sek (koje već zahvata JKP „Bašbunar“) + 80 lit/sek (za dva nova rezervoara);

Općina Zenica: 350 lit/sek³;

Općina N.Travnik, Vitez⁴ i Busovača: svaka po 40 lit/sek.

Aneksa II Ugovora o koncesiji:

Obzirom da se zbog nepostizanja konačnog dogovora između općina izgradnja vodovoda, a time i poštivanje odredbi Aneksa Ugovora o koncesiji, nije odvijala po planu, Preduzeće se 13.12.2013.g. uz saglasnost općina osnivača obratilo davaocu koncesije-FMPVŠ-a sa Zahtjevom za odgodu plaćanja koncesione naknade, odnosno izradu Aneksa II Ugovora o koncesiji. Nakon niza održanih sastanaka i pregovora u koje je aktivno bila uključena i Komisija za koncesije FBiH, Vlada FBiH je donijela Odluku o davanju saglasnosti za potpisivanje Aneksa II Ugovora o koncesiji. Nakon toga, Aneksa II

³Zenica je naknadno prilikom izrade tenderske dokumentacije ovu količinu smanjila na 300 lit/sek.

⁴ Vitez je kasnije isključen iz Projekta.



Ugovora o koncesiji je potpisan od strane FMPVŠ-a s jedne strane (15.05.2014.g.) i Preduzeća (27.06.2014.g.) sa druge strane čime je plaćanje koncesione naknade odgođeno za dodatne četiri godine.

Aneks III Ugovora o koncesiji:

Da bi se izbjeglo plaćanje koncesione naknade, Preduzeće je izvršilo sve potrebne aktivnosti i podnijelo FMPVŠ-u, kao i Komisiji za koncesije, Zahtjev za produžetak roka za plaćanje koncesione naknade (dana 08.05.2018.g.).

Vlada FBiH je na temelju Odluke, dala saglasnost za potpisivanje Aneksa III Ugovora o koncesiji, što je bio preduslov da se pristupi potpisivanju istog između FMPVŠ i Preduzeća. Na osnovu Anexa III Ugovora o koncesiji, novi rok od kojeg počinje plaćanje koncesione naknade je: 31.12.2022.g.

Komisija za koncesije FBiH vrši redovne godišnje kontrole rada Preduzeća pri čemu se uredno informiše u nivou realizacije Projekta.

7. Izrada Projektne dokumentacije

Pokretanjem inicijative za ponovni pokušaj implementacija Projekta „Plava voda“, donesen je stav od strane svih učesnika da se pristupi ponovnoj izradi sve potrebne projektne dokumentacije. Razlozi za to su bili ti što se do već urađene projektne dokumentacije od strane „Alpine BH“ nije moglo doći, a i zbog toga što je na samoj trasi vodovoda nastalo dosta izmjena (izgrađenih građevinskih objekata i sl.) što bi zahtijevalo velike troškove preprojektovanja.

S tim u vezi Europska banka za rekonstrukciju i razvoj (EBRD), na osnovu dogovora sa Državom BiH o finansiranju prioriternih investicionih programa, kroz projekat „Danube Investment Support Facility“ (DISF) naručila izradu Studije izvodljivosti za Projekat „Plava voda“. Studija izvodljivosti, koju je uradila kuća „BCEOM/Jacobs Engineering Joint Venture“ 2007.g.

Nadalje, Europska komisija (EC) je u sklopu projekta „Infrastructure Project Facility in the Western Balkans“ (IPF) odobrila grant sredstva u vrijednosti od 600.000 Eura za dalju pripremu projektne dokumentacije za Projekat „Plava voda“ uključujući i konsultantske usluge. Kuća koja je izabrana od strane EC da implementira ove aktivnosti je bila „WYG International“ koja je u svom daljem radu po potrebi vršila angažman drugih institucija (podizvođača) verifikovanih za određenu vrstu poslova (npr. Institut za hidrotehniku Građevinskog fakulteta u Sarajevu).

Na osnovu toga, u periodu 2009-2011.g. izvršeno je niz potrebnih radova, mjerenja i snimanja što je rezultiralo slijedećom dobivenom dokumentacijom potrebnom za implementaciju Projekta „Plava voda“:

- Idejni projekat;
- „Utvrdjivanje izdašnosti i kvaliteta vode izvorišta „Plava voda““ (2010.g.);
- „Studija za izdavanje prethodne vodne saglasnosti“ (juli, 2010.g.);
- „Studija uticaja na okoliš“ (novembar, 2010.g.);
- „Plan upravljanja otpadom“ (januar, 2011.g.);
- „Studija vodozaštite izvorišta „Plava voda““;
- „Glavni projekat“ -revidiran (2012.g.) sa svim potrebnim komponentama kao što su:
 - *koncept sistema vodosnabdijevanja;*



- *hidrološka istraživanja;*
- *geološke podloge;*
- *izbor tipa i vrste cijevi;*
- *određivanje trase vodovoda;*
- *određivanje trase odvojaka;*
- *projekciju potrebnih objekata (vodozahvatni, hlorna i crpne stanice, rezervoari);*
- *hidraulički proračuni;*
- „Pripremna geotehnička studija - misija G1“ (2012.g.);
- „Glavni projekat zaštite od požara“ (2012.g.);
- „Elaborat zaštite na radu“ (2012.g.);
- „Glavni projekat geotehničkog inženjerstva - misija G21“ (2012.g.) i
- „Pisani izvještaj o reviziji projekta - misija G23“ (2012.g.).

Izrada ove dokumentacije je djelimično plaćena i iz sredstava koje je Preduzeće od 2011.g. dobivalo za svoje redovno funkcionisanje.

Dana 25.06.2018.g.Preduzeće je od strane Grada Zenice dobilo Zahtjev za izmjenu projektne i tenderske dokumentacije glavnog transportnog voda Regionalnog vodovoda „Plava voda“ sa obrazloženjem da je dugoročno znatno bolje rješenje za cijevni materijal koristiti DUCTIL umjesto predviđenog GRP-a. Procedura ove izmjene, kao i izmjene svih ostalih komponenti projektne dokumentacije koje zahtijevaju ažuriranje i promjenu je izvršenauz saglasnost i konsultacije sa svim akterima Projekta, PIU timom i konsultantima EBRD-a.

Također je i koncept tendera prilagođen ovim novim zahtjevima (pocedure se odvijaju na osnovu pravila EBRD-a i FIDIC – Žute knjige)

8. Osiguravanje potrebne dokumentacije – dozvola

Obzirom da se Projekat „Plava voda“ implementira na području dva kantona (SBK i ZDK) te da je to prvi vodovod regionalnog (Federalnog) karaktera, posebno značajan segment pripremnih radnji njegove implementacije predstavlja dobivanje potrebnih saglasnosti i dokumentacije. S tim u vezi, za administrativnu pripremu realizacije Projekta „Plava voda“ Preduzeće je prikupiloslijedeću dokumentaciju:

- Načelna saglasnost od strane „BH- Gasa“ d.o.o. Sarajevo za izdavanje Urbanističke saglasnosti (april, 2021.g.) i za izdavanje Odobrenja za građenje (novembar, 2013.g.);
- Načelna saglasnost od strane JP Autoceste FBiH“ d.o.o. Mostar za izdavanje Urbanističke saglasnosti (april, 2021.g.);
- Konačna saglasnost od strane JP Autoceste FBiH“ d.o.o. Mostar za izdavanje Odobrenja za građenje (februar, 2013.g.);
- Pozitivno stručno mišljenje od strane Federalnog ministarstva kulture i sporta, Zavod za zaštitu spomenika za izdavanje Urbanističke (april, 2012.g.) i za izdavanje Odobrenja za građenje (oktobar, 2012.g.);



- Stručno mišljenje od strane JP „Elektroprivreda BiH“ d.d. Sarajevo, Podružnica „Elektrodistribucija“ Zenica za izdavanje Urbanističke saglasnosti (mart, 2012.g.) i za Odobrenje za građenje (oktobar, 2012.g.);
- Saglasnost od strane JP „Elektroprivreda HZ HB“ d.d. Mostar, Poslovnica Nova Bila za izdavanje Urbanističke saglasnosti (uključuje i Odobrenje za građenje) (april, 2012.g.);
- Saglasnost od strane JP „Elektroprivreda HZ HB“ d.d. Mostar, Poslovnica Busovača za izdavanje Urbanističke saglasnosti (april, 2012.g.) i za Odobrenje za građenje (januar, 2013.g.);
- Saglasnost od strane JP „Elektroprivreda HZ HB“ d.d. Mostar, Poslovnica Vitez za izdavanje Urbanističke saglasnosti (april, 2012.g.) i za Odobrenje za građenje (decembar 2012.g.);
- Saglasnost od strane JP „Elektroprivreda HZ HB“ d.d. Mostar, Poslovnica Novi Travnik za izdavanje Urbanističke saglasnosti (uključuje i Odobrenje za građenje) (april, 2012.g.);
- Saglasnost od strane „BH Telecoma“ d.d. Sarajevo, Direkcija Zenica, za izdavanje Urbanističke saglasnosti (mart, 2012.g.) i za izdavanje Odobrenja za građenje (decembar, 2013.g.);
- Saglasnost od strane „BH Telecoma“ d.d. Sarajevo, Direkcija Travnik, za izdavanje Urbanističke saglasnosti (februar, 2012.g.) i za izdavanje Odobrenja za građenje (novembar, 2013.g.);
- Saglasnost od strane JP „HT- Hrvatske telekomunikacije“ d.d. Mostar, lokacija Vitez, za izdavanje Urbanističke saglasnosti (januar, 2012.g.) i za izdavanje Odobrenja za građenje (septembar, 2012.g.);
- Saglasnost od strane JP „HT- Hrvatske telekomunikacije“ d.d. Mostar, lokacija Busovača, za izdavanje Urbanističke saglasnosti (januar, 2012.g.) i za izdavanje Odobrenja za građenje (septembar, 2012.g.);
- Saglasnost od strane JP „HT- Hrvatske telekomunikacije“ d.d. Mostar, lokacija Novi Travnik, za izdavanje Urbanističke saglasnosti (januar, 2012.g.);
- Saglasnost (pozitivno mišljenje) od strane JP „Željeznice“ FBiH d.o.o. Sarajevo za izdavanje Urbanističke saglasnosti (mart, 2012.g.) i za Odobrenje za građenje (februar, 2013.g.);
- Saglasnost od strane JP „Vodovod i kanalizacija“ d.o.o. Zenica za izdavanje Urbanističke saglasnosti (februar, 2012.g.) i za izdavanje Odobrenja za građenje (septembar, 2012.g.);
- Saglasnost od strane JP „Vilenica-Vodovod“ d.o.o. N.Travnik za izdavanje Urbanističke saglasnosti (januar, 2012.g.) i za izdavanje Odobrenja za građenje (decembar, 2012.g.);
- Saglasnost od strane JKP „Komunalac“ d.o.o. Busovača za izdavanje Urbanističke saglasnosti (februar, 2012.g.) i za izdavanje Odobrenja za građenje (septembar, 2012.g.);
- Saglasnost od strane JKP „Bašbunar“ d.o.o. Travnik za izdavanje Urbanističke saglasnosti (januar, 2012.g.) i za izdavanje Odobrenja za građenje (septembar, 2012.g.);
- Saglasnost od strane JKP „Vitkom“ d.o.o. Vitez za izdavanje Urbanističke saglasnosti (februar, 2012.g.) i za izdavanje Odobrenja za građenje (septembar, 2012.g.);
- Saglasnost od strane „HE Grablje“ d.o.o. Busovača za izdavanje Urbanističke saglasnosti (februar, 2012.g.) i za izdavanje Odobrenja za građenje (septembar, 2012.g.);
- „Rješenje o urbanističkoj saglasnosti“ (pravosnažno) izdato od strane Federalnog ministarstva prostornog uređenja (maj, 2012.g.);
- produžetak važnosti Urbanističke saglasnosti dobivene od Federalnog ministarstva prostornog uređenja za izgradnju Regionalnog vodovodno sistema (maj, 2013.g.);
- „Rješenje o odobrenju Studije o uticaju na okoliš“ izdato od strane Federalnog ministarstva okoliša i turizma (juli, 2011.g.);



- „Rješenje o okolinskoj dozvoli“ (pravosnažno) izdato od strane Federalnog ministarstva okoliša i turizma (oktobar, 2011.g.);
- „Rješenje o prethodnoj vodnoj saglasnosti“ izdato od strane „Agencije za vodno područje rijeke Save“ (septembar, 2010.g.);
- „Rješenje o vodnoj saglasnosti“ izdato od strane „Agencije za vodno područje rijeke Save“ (august, 2012.g.);
- „Rješenje o vodnoj saglasnosti“ izdato od strane Ministarstva za poljoprivredu, šumarstvo i vodoprivredu ZDK (august, 2012.g.);
- „Rješenje o vodnoj saglasnosti“ izdato od strane Ministarstva šumarstva, poljoprivrede i vodoprivrede SBK (septembar, 2012.g.);
- Načelno odobrenje za građenje složene infrastrukturne građevine regionalnog vodovoda Plava voda“ dobiveno od Federalnog ministarstva prostornog uređenja (april, 2014.g.).

Bitno je napomenuti da je dobivanje određenih saglasnosti bilo uslovljeno nizom prethodnih, administrativnih i tehničkih aktivnosti zbog čega nije bilo moguće prikupljati sve dozvole istovremeno nego u nekim slučajevima hronološki, jednu iza druge. Sva gore navedena dokumentacije i procesi koji su vođeni za njeno pribavljanje je osigurana plaćanjem iz sredstva koja su od strane općina osnivača uplaćivana za redovno funkcionisanje Preduzeća.

Zbog protoka dugog vremenskog perioda pripreme i realizacije Projekta „Plava voda“, rok važenja niza prvodobivenih dozvola i saglasnosti je istekao, zbog čega Preduzeće mora da sprovodi aktivnosti na produženju važnosti i prilagođavanju te dokumentacije što predstavlja dodatno, kontinuirano opterećenje u radu, pogotovo što su u međuvremenu i procedure dobivanja dokumentacije često podložne izmjenama.

U periodu 2019-2020.g. dodatno su, u skladu sa novim zakonskim propisima, obnovljeni ili pribavljeni sljedeći dokumenti:

- Saglasnost „BH Telecoma“ -Direkcija Travnik;
- Saglasnost „BH Telecoma“ -Direkcija Zenica;
- Saglasnost JP „Autoceste FBiH“ d.o.o. Mostar;
- Saglasnost JP „Željeznice“ FBiH d.o.o. Sarajevo;
- Stručno mišljenje JP „Elektroprivreda BiH“ d.d. Sarajevo, Podružnica „Elektro distribucija“ Zenica;
- Stručno mišljenje Federalnog ministarstva kulture i sporta, Zavod za zaštitu spomenika;
- Saglasnosti JP „Elektroprivreda HZ HB“ d.d. Mostar, Poslovnice Novi Travnik, Nova Bila i Busovača;
- „Rješenje o prethodnoj vodnoj saglasnosti“ izdato od strane „Agencije za vodno područje rijeke Save“;
- „Rješenje o prethodnoj vodnoj saglasnosti“ izdato od strane Ministarstva za poljoprivredu, šumarstvo i vodoprivredu ZDK
- „Rješenje o prethodnoj vodnoj saglasnosti“ izdato od strane Ministarstva poljoprivrede, šumarstva i vodoprivrede SBK;
- „Plan upravljanja građevinskim otpadom“ izrađen od strane HEIS (novembar, 2020.g.);
- Saglasnost Centra za uklanjanje mina – BH MAC.



9. Proglašenje javnog interesa Projekta „Plava voda“

Dana 04.09.2012.g. Vlada ZDK je donijela Zaključak o opravdanosti izgradnje regionalnog vodovoda „Plava voda“ na području Općine Zenica.

Dana 24.09.2012.g. Vlada SBK je donijela Zaključak o opravdanosti izgradnje regionalnog vodovoda „Plava voda“ na području općina: Travnik, Novi Travnik, Vitez i Busovača.

Vlada FBiH je 2013.g. donijela Odluku o utvrđivanju javnog interesa za izgradnju regionalnog vodovoda „Plava voda“.

Zbog isteka važnosti, ova Odluka je od strane Vlade F BiH obnovljena i 2016.g., a onda i 26.09.2019.g. V.broj: 1085/2019 („Sl.novine F BiH“, broj: 72/19), koja je još uvijek važeća.

Preduzeće je sprovedo sve potrebne aktivnosti da se Projekat Izgradnja Regionalnog vodovoda „Plava voda“ uvrsti kao prioritetni projekat u Programu javnih investicija F BiH za period 2017-2019.g., a onda i za period 2020-2022.g.

Preduzeće je također sprovedo sve potrebne aktivnosti i dostavilo dana 25.12.2018.g. FMPVŠ (Sektor za vode), popunjeni projektni identifikacioni formular (PIF), koji služi kao identifikacija projekta za buduća grant (IPA) sredstva.

10. Aktivnosti na provođenju procesa eksproprijacije

Preduzeće je izvršilo sve pripremne radnje i stvorilo preduslove za početak provođenja procesa eksproprijacije na projektovanoj trasi regionalnog vodovoda.

Jedan od glavnih preduslova za početak ovog procesa je bio i izrada „Elaborata eksproprijacije“ koji je finaliziran 2012.g., a na osnovu kojeg je i proglašen javni interes sa nivoa kantona (SBK i ZDK) i Federacije. Međutim, proces eksproprijacije formalno-pravno ne može započeti dok Preduzeće ne osigura procijenjeni iznos sredstava na svom računu. Ova sredstva se planiraju osigurati iz kredita CEB banke.

Iako nisu osigurana potrebna sredstva za provođenje postupka eksproprijacije (što zavisi od efektivnosti CEB kredita), Preduzeće je, uz saglasnost dobivenu od svih načelnika, da bi se dobilo na vremenu, pokušalo ponovo pokrenuti niz aktivnosti da postupak otpočne bar u segmentima koje je moguće završiti.

Održan je više sastanaka sa nadležnim Službama općina/grada koje su zadužene za provođenje postupka eksproprijacije gdje je dogovoreno sljedeće:

- da sve nadležne Službe započnu sa provođenjem postupka eksproprijacije i da pripremaju rješenja za državna zemljišta za koje nije potrebna naknada;
- sve nadležne Službe u pogledu privatnog zemljišta trebaju zatražiti saglasnost ulaska u posjed parcele koja je predmet eksproprijacije od utvrđenog stvarnog vlasnika prilikom njihovog terenskog uviđaja, a izjava o tome treba biti eksplicitno unesena u zapisnik i potpisana od vlasnika;
- sve nadležne Službe da dostave Preduzeću spisak parcela koje su „javno dobro“, koji će dalje taj spisak uz zahtjev dostaviti Vladi FBiH da im se izda saglasnost da se te parcele mogu koristiti za izgradnju Regionalnog vodovoda „Plava voda“.



Usko vezano za sprovođenje procesa eksproprijacije jest i implementacija Akcijskog plana za preseljenje (APP ili na engl.:RAP), jednog od uslova koji treba ispuniti da bi sredstva iz kredita EBRD-a bila i realno dostupna u potpunosti za korištenje. EBRD je pomogao Preduzeću pri nabavci konsultantske kuće Enova koja će izvršiti ažuriranje APP u saradnji sa nadležnim Službama općina/grada. Enova je na početku mjeseca decembra dostavila EBRD-u na odobravanje nacrt ažuriranog APP-a na osnovu podataka i zahtjeva za izmjene trase dobivenih od strane općinskih/gradskih službi. Na osnovu dostavljenog nacrtu APP-a, EBRD je izrazio zabrinutost zbog novih zahtjeva postavljenih od lokalnih učesnika (najviše od Grada Zenice i Općine Busovača), a koji se tiču izmještanja već projektovane trase.

EBRD pod nužnim smatra implementaciju APP-a i realizacija eksproprijacije do trenutka potpisivanja Ugovora sa Izvođačem radova.

Preduzeće uz konsultacije sa učesnicima, pokušava iznaći rješenje kojim bi se zadovoljili i zahtjevi općina, a i ispoštovali zahtjevi EBRD-a. Međutim, i rješenje ove problematike je u direktnoj vezi sa raspoloživosti sredstava CEB banke koja su planirana za plaćanje troškova eksproprijacije. Ono što je inicirano i djelimično sprovedeno je da su službe općina započele sprovoditi pripreme i druge aktivnosti na procesu eksproprijacije (koje je moguće, do osiguranja CEB sredstava).

11. Aktivnosti na vodozaštitnoj zoni

Obzirom da se voda sa izvorišta „Plava voda“ već koristi za vodosnabdijevanje stanovnika Općine Travnik (preko JKP-a „Bašbunar“), Preduzeće je kao pravni titular koncesije, u okviru svojih nadležnosti i u skladu sa svojim mogućnostima, započelo i aktivnosti za zaštitu izvorišta prema svim tehničkim i ekološkim savremenim principima.

S tim u vezi je izrađen „Elaborat zaštite izvorišta Plava voda“ koji predviđa sve potrebne mjere i aktivnosti adekvatne zaštite.

„Elaborat“ je, prema zakonskoj proceduri, od strane Preduzeća upućen na usvajanje Općinskom vijeću Travnik u maju 2012.g. Kako do usvajanja „Elaborata“ od strane Općinskog vijeća nije pravovremeno došlo, a kako je u međuvremenu došlo do izmjene zakonske regulative po pitanju izrade ovakvih elaborata, bilo je neophodno izvršiti doradu „Elaborata“ i njegovo prilagođavanje odredbama novog Pravilnika koji tretira ovu oblast.

U 2013.g. su izvršene aktivnosti na prilagođavanju postojećeg „Elaborata zaštite izvorišta Plava voda“ odredbama novog Pravilnika te je izrađen je nacrt „prilagođenog“ Elaborata koji se prosljedio Općini Travnik na dalju proceduru usvajanja.

OV Travnik je na osnovu „Elaborata zaštite izvorišta Plava voda“ na sjednici održanoj 16.10.2015.g. donijelo Odluku o zaštiti izvorišta Plava voda.

12. Komponente Projekta „Plava voda“ – finansijski prikaz

Osnovne komponente Projekta „Plava voda“ sa izraženim procijenjenim troškovima dobivenim na osnovu trenutne projektne dokumentacije su prikazane u slijedećoj tabeli:



Tabela 2: Procijenjeni iznosi koštanja izgradnje komponenti Projekta

R/b	Komponenta Projekta	Procijenjeni iznos KM
1	Vodozaštita izvorišta	2.500.000
2	Vodozahvat i hlorna stanica	510.466
3	Glavni vod	21.478.810
4	Odvojeci sa c/s	5.927.970
5	Nadzor	1.300.000
6	Eksproprijacija	4.386.658
7	Turističko uređenje	4.000.000
8	Rezerva (rezervoari, mjere OD i dr.)	2.396.096
9	Ukupno:	42.545.000

U Tabeli 2 su navedeni projektni i procijenjeni iznosi troškova, dok će stvarni troškovi zavisiti od konkretnih ponuda odabranih izvođača. Također, prema nekim novim analizama očekuje se da bi troškovi eksproprijacije trebali biti znatno niži (zbog učešća državnog zemljišta), ali da bi se troškovi izgradnje vodovoda mogli povećati zbog promjene cijevnog materijala.

Procentualno učešće pojedinih učesnika Projekta u otplati kredita iznosi:

Grad Zenica..... 37,46 %

ZDK..... 17,50 %

Fond..... 25,00 %

SBK..... 7,50 %

Općina Novi Travnik..... 6,06%

Općina Busovača..... 6,48%

13. Osiguravanje finansijskih sredstava za implementaciju Projekta

Na osnovu Protokola o financiranju komunalne infrastrukture potpisanog 2004.g. od strane BiH, i potvrđivanjem spremnosti FBiH da podrži financiranje odabranih prioritetnih projekata (jedan od tih prioriteta je i Projekat „Plava voda“), EBRD je 2006.g. potvrdio interes za učestvovanje u financiranju Projekta „Plava voda“ sa tada procijenjenim iznosom od 20 miliona Eura⁵.

Nakon potvrđenog interesa i pregovora, te pisma namjere EBRD-a, 08.05.2009.g. potpisan je „Sporazum o nastavku realizacije Projekta 'Plava voda' “ od strane općina: Travnik, Zenica, Novi Travnik, Busovača i Vitez.

Da bi se ispunile dalje obaveze prema EBRD-u, u 2011.g. izrađeni su i slijedeći dokumenti:

- „Izvještaj o procjeni okolišnih i socijalnih uticaja“ (juli, 2011.g./ ažuriran juni 2015.g.);
- „Plan učešća interesnih grupa“ (juni, 2011.g./ ažuriran juni, 2015.g.);
- „Okvir za preseljenje i naknade“ (juli, 2011.g./ ažuriran juni 2015.g.);
- „Netehnički rezime“ Projekta (juli, 2011.g./ ažuriran juni 2015.g.).

Troškove izrade i ažuriranja studija Preduzeće je osiguralo sredstvima grantu dobivenim od EBRD-a.

⁵Kasnije se taj iznos procijenio na 22 miliona Eura i podijelio na dva dijela: EBRD 11 miliona Eura i CEB 11 miliona Eura.



Nakon niza pregovora i konsultacija, u martu 2015.g je definisan nacrt dokumenta „Osnovni uvjeti zajma - EBRD“ koji je parafiran od strane: svih dole navedenih učesnika:

- Premijera Vlade SBK,
- Premijera Vlade ZDK,
- Načelnika općine Travnik,
- Načelnika općine (grada) Zenice,
- Načelnika općine Novi Travnik,
- Načelnika općine Vitez,
- Načelnika općine Busovača,
- Fonda za zaštitu okoliša FBiH i
- JP RV „Plava voda“ d.o.o. Travnik.

Nakon usvajanja ovog dokumenta i odobravanja zajma od strane Upravnog odbora EBRD-a u Londonu u iznosu od 11 miliona Eura, pristupilo se kreiranju ugovora koji su detaljnije razradili način zaduživanja i otplate kredita.

Obzirom da po svojoj internoj politici EBRD-a ne finansira troškove eksproprijacije, u finansijsku konstrukciju Projekta „Plava voda“ se u međuvremenu uključila i banka CEB koja je na osnovu dogovora sa EBRD-om prihvatila davanje jedne polovine ukupnog zajma (11 miliona Eura od ukupno 22 miliona Eura).

Financijska konstrukcija kreditnog aranžmana sa EBRD-om i CEB-om, je na inicijativu općina učesnica Projekta (prvenstveno Općine/Grada Zenice), mijenjana u više navrata, a sve u cilju olakšavanja vraćanja budućeg zaduženja. Ovi procesi promjena finansijskih konstrukcija zaduženja i otplate kredita su znatno povećali obim predviđenog posla i vrijeme za pripremu realizacije Projekta, pogotovo jer su u posljednu varijantu zaduženja i otplate kredita, pored općina učesnica, direktno uključeni i drugi, novi učesnici: SBK, ZDK i Fond.

Šemu zaduženja i otplate kredita možete pogledati u Prilogu 1.

Imajući u vidu da se kreditni aranžman potpisuje sa državom BiH, jasno je da su zahtjevi čitavog administrativnog aparata od nivoa općina do države, uključujući i zakonodavnu i izvršnu vlast, morali biti ispoštovani u realizaciju pripreme finansiranja Projekta.

Ovaj postupak je zahtijevao mnogo više vremena od planiranog, pogotovo imajući u vidu da se radi o prvom regionalnom (međukantonalnom) vodovodu, tako da su procedure dobivanje dokumenata bile vrlo kompleksne i zavisile su dobrim dijelom od agilnosti općinskih, kantonalih i entitetskih instanci.

Pored toga moralo se voditi računa da se poštuju i sve specifične procedure EBRD-a i CEB-a, koji je između ostalog podrazumijevao kompleksnu pripremu i proceduru na osnovu kojih su i potpisivanje niza ugovora, između svih učesnika na različitim nivoima.

Kao rezultat pravedenih procedura, donesene su slijedeće odluke i zaključci nadležnih institucija (ovdje navodimo samo najbitnije):



- Zaključak Vlade SBK o prihvatanju informacije o Projektu i davanje prethodne saglasnosti za zaduženje SBK-a kod EBRD-a (30.04.2015.g.);
- Zaključak Vlade ZDK o prihvatanju informacije o Projektu i davanju prethodne saglasnosti za zaduženje ZDK kod EBRD-a (13.05.2015.g.);
- Zaključak Vlade SBK o prihvatanju informacije o Projektu i davanje prethodne saglasnosti za zaduženje SBK-a kod CEB-a (14.05.2015.g.);
- Zaključak Vlade ZDK o prihvatanju informacije o Projektu i davanju prethodne saglasnosti za zaduženje ZDK kod CEB-a (11.06.2015.g.);
- Pozitivno mišljenje Federalnog ministarstva poljoprivrede, vodoprivrede i šumarstva o usklađenosti Projekta sa strateškim okvirom upravljanja vodama (14.07.2015.g.);
- Vijeće ministara BiH je na svojoj 28. sjednici, 22.10.2015.g. utvrdilo Prijedlog ugovora o zajmu između BiH i EBRD-a u iznosu od 11 miliona Eura, s osnovama za zaključivanje ugovora.

Navedene odluke i zaključci su bili preduslov za kreiranje nacrtu, a zatim i prijedloga ugovora koji su nastali kao rezultat usaglašavanja svih učesnika projekta „Plava voda“ i koji su kao takvi etapno potpisivani. Najbitniji potpisani ugovori i dokumenti, a koji su preduslov efektivnosti kredita su slijedeći:

- Dokument „Osnovni uvjeti zajma – EBRD“ između EBRD-a i općina: Travnik, Novi Travnik, Busovača, Vitez, Grada Zenice, SBK, ZDK, Fonda, (potpisan dana 31.03.2015.g.);
- Ugovor o zajmu između države BiH i EBRD-a (potpisan dana 19.11.2015.g.);
- Odluka o ratifikaciji Ugovora o zajmu između države BiH i EBRD-a donesena od strane Predsjedništva BiH (objavljena dana 28.04.2016.g. u Sl. glasnik BiH – Međunarodni ugovori, broj 2/16).
- Ugovor o podršci projekta između općina: Travnik, Novi Travnik, Busovača, Grad Zenica i EBRD-a (potpisan dana 21.11.2017.g.);
- Amandman br.1 na Ugovor o podršci projekta (zbog odustajanja općine Vitez) (potpisan dana 07.06.2018.g.);
- Ugovor o podršci zajma između FBiH, Fonda, SBK, ZDK i EBRD-a (potpisan dana 20.12.2017.g.);
- Projektni ugovor između Preduzeća (Projektni entitet) i EBRD-a (potpisan dana 22.01.2018.g.);
- Odluku o imenovanju predstavnika u Upravnom odboru Projekta „Plava voda“, broj 101/18, je donio Nadzorni odbor Preduzeća, dana 12.07.2018.g. Upravni odbor projekta „Plava voda“ čine: Direktor centra za evropske integracije (SBK), Premijer (ZDK), Ministar za poljoprivredu, šumarstvo i vodoprivredu (ZDK), Rukovodilac sektora za fondove EU (FZO FBiH), Načelnik (Općina Travnik), Gradonačelnik (Grad Zenica), Načelnik (Općina Novi Travnik), Načelnik (Općina Busovača), Direktor (JP-e) i zamjenik Direktora (JP-e);
- Supsidijarni ugovor o zajmu između BiH i FBiH (potpisan dana 15.05.2019.g.);
- Podugovor o zajmu između FBiH i SBK (potpisan dana 24.06.2019.g.);
- Podugovor o zajmu između FBiH i ZDK (potpisan dana 27.06.2019.g.);
- Podugovor o zajmu između SBK i Preduzeća (potpisan dana 18.06.2019.g.);
- Podugovor o zajmu između ZDK i Preduzeća (potpisan dana 20.06.2019.g.);



- Ugovor o isporuci vode između Općine Novi Travnik, JP Vilenica vodovod i Preduzeća (potpisan dana 19.03.2019.g.);
- Ugovor o isporuci vode između Grada Zenice, JP ViK i Preduzeća (potpisan dana 14.05.2019.g.);
- Ugovor o isporuci vode između Općine Travnik, JKP Bašbunar i Preduzeća (potpisan dana 20.03.2019.g.);
- Ugovor o isporuci vode između Općine Travnik, JKP Trebišnjica i Preduzeća (potpisan dana 22.03.2019.g.);
- Ugovor o isporuci vode između Općine Busovača, JKP Komunalac i Preduzeća (potpisan dana 13.03.2019.g.);
- Ugovor o podršci projektu „Regionalni vodovod Plava voda“ između Fonda i Preduzeća (potpisan dana 28.06.2019.g.);
- Ugovor u vezi otplate kredita između SBK i Preduzeća (potpisan dana 18.06.2019.g.);
- Ugovor u vezi otplate kredita između ZDK i Preduzeća (potpisan dana 20.06.2019.g.);
- Ovjereni i potpisani Pravna mišljenja na sve Ugovore vezane za Projekat „Plava voda“.

Nakon ispunjenja uslova za efektivnost kredita od strane svih učesnika u Projektu, EBRD je dana 02.07.2019.g. zvanično proglasio efektivnost kredita, uz preostala dva uvjeta koja se trebaju ispuniti da bi se mogla povući kreditna sredstva, a to su:

1. Izbor Nadzora nad građevinskim radovima;
2. Izvještaj o implementaciji Akcijskog plana preseljenja odobren od strane EBRD-a.

Na osnovu potpisanog Projektnog ugovora između Preduzeća i EBRD-a (Odlomak 3.03.), Preduzeće je dana 25.07.2019.g. kod Vakufske banke dd Sarajevo otvorilo glavni račun i sedam podračuna na ime učesnika u Projektu, tj. na ime: SBK-a, ZDK-a, Fonda, Općine Travnik, Općine Novi Travnik, Općine Busovača i Grada Zenice i iste kao dokaz dostavilo na uvid EBRD-u.

Od strane svih učesnika u Projektu su uplaćena sredstva na podračune do 30.07.2019.g., a nakon obavljenih ostalih procedura od strane Preduzeća, zvanično prva rata⁶ EBRD-e kredita za Projekat „Plava voda“ je uplaćena dana 28.08.2019.g. Do datuma izrade ovog dokumenta izvršene su uplate i još za dvije rate, i to 28.02.2020.g. i 28.08.2020.g. Sama procedura isplate rate od pristizanja informacije od EBRD-a o iznosu rate do krajnjeg uplaćivanja nazad EBRD-u je kompleksna putanja u koju su uključeni svi relevantni administrativni slojevi u državi i učesnici Projekta, ali je do sad ovaj proces uz redovne uplate od strane svih učesnika i uz koordinaciju Preduzeća sproveden bez većih problema. Problem se pojavio tek nedavno, kada Federalno ministarstvo finansija nije dozvolilo protok kreditnog plaćanja konsultantima te je ovo plaćanje blokirano. Kao razlog blokade, navodi se neispunjena ugovorna obaveza od strane ZDK, a koja se tiče dostave mjenica od strane ZDK prema ovom Ministarstvu. Sa ovom problematikom je upoznat i EBRD koji se direktno obratio ZDK-u sa upozorenjem da se ova situacija što prije riješi inače će se EBRD povući iz Projekta. Nakon toga je održan sastanak između predstavnika Federacije, Fonda i ZDK-a, i nadati se je da će se ova riješiti i prevazići.

⁶Ovdje se radi o plaćanju redovne provizije za EBRD i plaćanju troškova za nepovućena sredstva.



Po postizanju efektivnosti EBRD kredita Preduzeće je u obavezi da priprema i dostavlja EBRD-u redovne Kvartalne izvještaje o toku implementacije Projekta u tom kvartalu tako da je do datuma izrade ovog dokumenta Preduzeće dostavilo EBRD-u šest Kvartalnih izvještaja. Pored Kvartalnih izvještaja, Preduzeće ima obavezu dostavljati EBRD-u godišnje finansijske revizorske izvještaje, kao i izvještaje o implementaciji mjera propisanih u dokumentaciji „Plan okolinskih i socijalnih utjecaja“.

Prema propisima i politici EBRD revizorski izvještaji moraju biti urađeni od strane revizorske kuće koja je član IFAC-a (Međunarodne federacije računovođa).

Paralelno sa svim aktivnostima zaduženja kod EBRD-a, Preduzeće je održavalo i potrebni nivo komunikacije sa bankom CEB. Naime, obzirom da do planiranog kreditnog aranžmana sa CEB-om nije došlo pravovremeno (zbog trajanja pregovora između općina: Travnika i Zenice), prema proceduri CEB-a ovaj kredit je bilo potrebno ponovo revitalizirati. Preduzeće je 06.04.2015.g. poslalo svu potrebnu dokumentaciju obrazloženja te se kredit ponovo odobrio. Nakon niza provedenih aktivnosti, potpisanisu slijedeći dokumenti:

- Okvirni sporazum o zajmu između Bosne i Hercegovine i Razvojne banke Vijeća Evrope (CEB) LD 1890(2016) za finansiranje Projekta Regionalnog vodovoda „Plava voda“, (potpisan dana 11.05.2018.g. u Sarajevu i dana 16.05.2018.g. u Parizu);
- Odluka o ratifikaciji Okvirnog sporazuma o zajmu je donesena od strane Predsjedništva BiH (objavljena dana 16.08.2018.g. u Sl. glasnik BiH – Međunarodni ugovori, broj 7/18);
- Odluka o prihvatanju zaduženja po Okvirnom sporazumu o zajmu usvojena je na Predstavničkom domu F BiH (juli 2019.g.) i kod Doma naroda FBiH (29.07.2020.g.).

Nakon usvajanja Odluke o zaduženju od strane Doma naroda FBiH, ista je proglašena u Službenim novinama FBiH, čime je okončan postupak zaduženja od nivoa FBiH, no kao što je vidljivo iz datuma navedenih iznad između dviju odluka na Domovima FBiH je proteklo čitava godina dana što je imalo negativni utjecaj u realizaciji Projekta u vidu velikog zaostatka. Ovaj negativni utjecaj se prvenstveno odrazio na nemogućnost otpočinjanja procesa eksproprijacije čime je ugrožena koordinacija i sinhronizacija planiranih aktivnosti na realizaciji čitavog Projekta što u krajnjem slučaju može dovesti do otkazivanja kredita i od banke EBRD. Mogućnost da EBRD otkaže kredit treba shvatiti vrlo ozbiljno i kao logičnu jer bez sprovedenog procesa eksproprijacije neće biti moguće potpisati ugovor sa izvođačem radova za čiji izbor se tenderska procedura već provodi (za dodatna pojašnjenja pogledati više intervencija od strane Preduzeća prema Domu Naroda FBiH, kao i prema FBiH po ovom pitanju u Prilogu 2a, 2b i 2c).

Daljnji koraci za zaduženje kod banke CEB, a koje treba što hitnije sprovesti su (slično kao i kod zaduženja kod banke EBRD) potpisivanje Supsidijarnog ugovora o zajmu između BiH i FBiH, Podugovora o zajmu između FBiH i SBK, ZDK, kao i Podugovora o zajmu između SBK, ZDK i Preduzeća, čija priprema i usaglašavanje je u proceduri. Opšti dojam i zaključak da bi se ove procedure morale brže odvijati, ali je uticaj Preduzeća na ovaj tok i na institucije koje trebaju sprovesti aktivnosti vrlo limitiran (jer Preduzeće prema institucijama koje sprovode procedure nema mandatorni odnos).



14. Priprema tenderske dokumentacije

Za pripremu tenderske dokumentacije osiguran je angažman konsultantske kuće Sachsen Wasser GmbH koja će pomoći pripremu tenderske dokumentacije za međunarodni tender po zahtjevima i standardima EBRD-a. Ugovor o donaciji između Preduzeća i EBRD-a, te Ugovor o pružanju konsultantskih usluga između Preduzeća i Sachsen Wasser GmbH je potpisan 02.09.2015.g. Konsultantska kuća Sachsen Wasser GmbH je izabrana i plaćena od strane EBRD-a iz sredstava posebnog granta (70.000 Eura).

Pored konsultantske kuće, u izradu tenderske dokumentacije je uz Preduzeće uključen i PIU Projekta „Plava voda“.

Dana 26.07.2018.g. održan je radni sastanak PIU-a „Plava voda“ u Općini Travnik na kojem se razmotrila i zaključila izmjenjena cijevnog materijala transportnog voda.

Nadalje, 12.02.2019.g. na radnom sastanku PIU-a „Plava voda“ doneseni su slijedeći zaključci:

1. Usvaja se nova verzija Plana implementacije projekta (PIP); osnova za revidiranje Plana je FIDIC – žuta knjiga; jedna od bitnih promjena u odnosu na prethodni Plan je da se sada sve komponente Projekta (A- Izgradnja Regionalnog vodovoda, B-Vodozaštitna zona i C-Uređenje turističke zone) objedine u jedan LOT, tako da će se pripremati Tender za izvođenje radova (za sve komponente) i Tender za nadzor (za sve komponente).
2. Daje se preporuka Upravnom odboru Projekta i Upravi JP-a za nastavak angažmana sa konsultantskom kućom Sachsen Wasser.

Na osnovu ovih Odluka započet je proces Tendera za Nadzor, a potom i za Izvođača radova u 2019.g. Pripremljen je Tender za izvođenje radova (za sve komponente) i Tender za nadzor (za sve komponente), te je stoga izrađen i usaglašen sa EBRD-om novi Plan implementacije Projekta (PIP) dana 17.06.2019.g. koji je naknadno bio revidiran u skladu sa pomjeranjem planiranih rokova. Posljednja verzija PIP-a odobrena od strane EBRD-a je od 14.07.2020.g.

Nakon izrade PIP-a, kao obavijest o pokretanju javne nabavke, Opća obavijest o nabavci (General Procurement Notice - GPN) objavljena je 20.06.2019.g. na EBRD elektronskoj platformi za javne nabavke (ECEPP), kao i Službenom glasniku BiH, Europskom službenom glasniku za javne nabavke i službenoj web stranici Preduzeća.

Obzirom na potrebu obnavljanja Konsultantskog ugovora sa Sachsen Wasserom, prijedloga od strane PIU-a za nastavak saradnje sa istim Konsultantom, kao i odluke EBRD od 29.01.2019.g. o dodatnih 7.000 EUR na ranijih 70.000 EUR granta za konsultantske usluge, usaglašen je i potpisan Produžetak konsultantskog ugovora između Preduzeća i konsultantske firme Sachsen Wasser 08.10.2019.g.

A. Provođenje tenderske procedure za izbor Izvođača radova:

Nabavka Izvođača radova za izgradnju Regionalnog vodovoda Plava voda, uređenje vodozaštitne i turističke zone započela je 01.08.2019. g. objavom Poziva za pretkvalifikaciju i Pretkvalifikacijskog dokumenta (PQ) na ECEPP i službenoj web stranici Preduzeća, a obavijest o pozivu za pretkvalifikaciju objavljena je također u Europskom službenom glasniku za javne nabavke. Prvobitno datum zatvaranja



natječaja je bio 13.09.2019. g., no Grad Zenica uputio je Zahtjev za izmjenu Pretkvalifikacijskog dokumenta dana 30.08.2019. g. sa ciljem smanjenja prethodno zadanih kvalifikacijskih kriterija. Stoga je krajnji datum podnošenja ponuda prolongiran na 04.10.2019. g.

Tijekom trajanja Pretkvalifikacijske faze zainteresirani ponuđači su imali mogućnost zatražiti pojašnjenje Pretkvalifikacijske dokumentacije na što je Preduzeće uz saradnju Konsultanta pripremilo klarifikacijske odgovore.

Konsultant koji pruža podršku PIU i pri nabavci, Hydro Control, pomaže pri implementaciji ove Komponente.

Nakon zatvaranja Pretkvalifikacijske faze, Evaluacijska komisija, formirana na osnovu prijedloga kandidata učesnika Projekta, je pristupila procjeni pristiglih Aplikacija. Uočeno je da tri od šest konzorcija koji su dostavili svoje Aplikacije nije ispunilo zahtjeve navedene u PQ, stoga je Komisija donijela zaključak da se tim konzorcijima uputi Pismo klarifikacije kojim se traži od njih da ispune taj zahtjev.

Nakon analize zatraženih klarifikacija, Komisija je dovršila evaluaciju i pripremila Pretkvalifikacijsko izvješće o evaluaciji, kao i Pisma obavijesti uspješnim i neuspješnim ponuđačima koja su dobila saglasnost EBRD-a 14.02.2020.g.

Sastanci Evaluacijske komisije povodom procjene Aplikacija pristiglih u fazi pretkvalifikacije održani su 19.11., 29.11. i 20.12.2019.g.

Kompleksnost projekta, oskudnost informacija te brojnost zahtjeva iziskivali su duži vremenski period za pripremu tenderske dokumentacije Prve faze tendera.

Uz podršku PIU-a, gradskih/općinskih službi, JKP-a i Konsultanta pripremljena je Tenderska dokumentacija za 1. fazu tendera i objavljena 15.5.2020.g. Rok za dostavu tehničkih ponuda prvobitno je bio 31.7.2020.g., no zbog kompleksnosti Projekta, brojnosti zahtjeva Klijenta i epidemiološke situacije, Ponuđači su zatražili prolongiranje roka te je on pomjeren na 11.09.2020. Klarifikacijski sastanak i obilazak mjesta izgradnje uz prisustvo predstavnika pretkvalificiranih ponuđača održan je 15.6.2020.g.

Nakon isteka roka za podnošenje ponuda, Evaluacijska komisija je pristupila pregledu i analizi pristiglih tehničkih ponuda.

Važno je naglasiti da se čitava procedura nabavke, uključujući izradu tenderske dokumentacije, klarifikaciju, izvještaja kao i ponude pristigle od ponuđača, sprovode isključivo na engleskom jeziku što znatno otežava i usporava rad.

Bitna karakteristika je i obim pripremljene tenderske dokumentacije za izbor izvođača radova od preko 500 stranica, a i obim ponuda koje su pristigle od ponuđača i koje moraju biti detaljno evaluirane od strane Komisije, a u prosjeku svaka ima oko 1000 stranica.

B. Provođenje tenderske procedure za izbor Nadzora:



Poziv za iskaz interesa (engl. Request for Expression of Interest - REoI) kao prva faza dvofaznog otvorenog tendera za nabavku konsultantskih usluga, odnosno Nadzora nad izgradnjom pripremljen je u saradnji sa Konsultantom, usaglašen i objavljen 28.06.2019.g. Rok za podnošenje Iskaza interesa bio je 06.09.2019.g., a u periodu do isteka roka odgovoreno je na pristigla Pitanja klarifikacije.

Nakon zatvaranja prve faze tendera Evaluacijska komisija, formirana na osnovu prijedloga kandidata učesnika Projekta, je pristupila procjeni ponuda. Uočeni su određeni sumnjivi navodi u pristiglim Iskazima, stoga su na zahtjev Komisije pripremljeni Zahtjevi za Klarifikaciju koji su potom upućeni izvjesnim ponuđačima.

Sastanci Evaluacijske komisije povodom procjene Iskaza interesa pristiglih u Prvoj fazi održani su 25.09., 17.10. i 30.10.2019.g.

Evaluacijski izvještaj, tkzv. Sužena lista pripremljen je u suradnji sa Konsultantom, potvrđen i potpisan od strane članova Komisije, te objavljen na ECEPP-u 06.12.2019.g., kao i Pisma obavijesti uspješnim i neuspješnim ponuđačima.

Potom je uslijedila druga faza tendera, tzv. Poziv za podnošenje ponuda (engl. Request for proposal - RFP) firmi iz Sužene liste. Konsultant Sachsen Wasser je u suradnji sa Preduzećem i PIU-om pripremio RFP koji je 19.12.2019.g. dostavljen EBRD-u na pregled i odobrenje na što je EBRD 10.01.2020.g. dala svoj pristanak i RFP je upućen Ponuđačima.

Krajnji rok za podnošenje ponuda bio je 09.03.2020.g. nakon čega je uslijedila evaluacija pristigle četiri tehničke ponude.

Planirana vrijednost ugovora iznosi 700.000 Eura i realizacija bi trajala 55 mjeseci, uzimajući u obzir uvodni period od jednog mjeseca, period izgradnje od 30 mjeseci i period obavještanja o oštećenjima od 24 mjeseca.

U trenutku izrade ove Informacije nabavka Nadzora se nalazi u finalnoj fazi pripreme financijskog evaluacijskog izvještaja, no zbog neizvjesnosti o daljnjoj implementaciji Projekta, nedostatka spomenutih sredstava za sprovođenje eksproprijacije (CEB zajam), a time i izbora Izvođača, Preduzeće se nalazi u nesigurnoj situaciji da bi pristupilo sklapanju ugovora sa odabranim Nadzorom.

15. Uređenje turističke zone Plava voda

U konceptu realizacije projekta „Plava voda“, predviđeno je da se osim provođenja obaveznih mjera zaštite okoliša izvrši projektovanje i preuređenje turističke zone Plava voda. U sklopu tog preuređenja bit će potrebno riješiti i način održavanja potrebnog nivoa vodostaja sa nekim od tehničko-tehnoloških rješenja. Ovaj uslov je jasno definisan i u Okolinskoj dozvoli izdatoj od strane Federalnog ministarstva okoliša i turizma. Pored troškova implementacije mjera iz Okolinske dozvole, za troškove uređenja turističke zone osigurana su i dodatna sredstva od 4 miliona KM iz kreditnih sredstava.

U svrhu pribavljanja ideja za uređenje turističke zone Općina Travnik je 04.11.2015.g. objavila konkurs za izradu idejnog rješenja uređenja turističke zone i vodotoka Plava voda. Za pobjedničko rješenje konkursa Općinska Komisija je odabrala idejno rješenje predloženo od firme „MAKEA“ d.o.o. Sarajevo.



Vizuelni prikaz ovog idejnog rješenje je dostupan na web stranici Preduzeća, a poslužiće kao baza za pripremu ponuda potencijalnim izvođačima.

U sklopu provođenja tendera za izvođača radova na Projkta „Plava voda“, Općina Travnik je osnovala zasebna Komisija po pitanjima vezanim isključivo za uređenje turističke zone. Ova Komisija radi u saradnji sa konsultantima i osnovnom Komisijom za izbor izvođača.

16. Donacije za općinska komunalna preduzeća - Sida Grant

U sklopu Projekta „Plava voda“, implementira se i projekat FOPIP⁷ po kojem će se svim općinama učesnicima Projekta „Plava voda“ osigurati i grant u iznosu od po 500.000 Eura koji je namijenjen za rekonstrukciju općinskih lokalnih komunalnih mreža i unapređenje poslovanja njihovih komunalnih preduzeća sa ciljem umanjenja vodnih gubitaka.

Iako je Uprava Preduzeća bila protiv toga, EBRD/Sida su insistirali da se i projekat FOPIP bude pod nadležnošću i koordinacijom Preduzeća, što je na kraju i prihvaćeno.

S tim u vezi, još 2012.g. izvršena je procjena javnih komunalnih preduzeća (JKP) općina učesnica Projekta te je izrađena „*Studija smanjenja gubitaka za pet općina Projekta „Plava voda“*“, na osnovu čega je Preduzeće u saradnju sa dodijeljenim Konsultantom Sachsen Wasser u narednom periodu pristupilo pripremi tenderske dokumentacije za nabavku konsultantskih usluga za realizaciju FOPIP Projekta, koja se u više navrata prilagođavala novonastaloj situaciji.

Prema planu predstavljenom od strane EBRD-a, za svaku od općina je predviđeno da se investira po 500.000 Eura, od čega će se 100.000 Eura iskoristiti za konsultantske usluge, a po 400.000 Eura za praktične radove na rekonstrukciji vodovodne mreže. Sredstva za ove aktivnosti će, prema informacijama dobivenim od EBRD-a, biti osigurana iz granta od Švedske razvojne organizacije (Sida). Sida će donijeti konačnu odluku i o načinu preraspodjele grant sredstva koje bile namijenjene za općinu Vitez.

S tim u vezi, dana 20.11.2019.g. je potpisan Ugovor o grantu za Projekat „Plava voda“ između Zamjenika predsjedavajućeg Vijeća ministara BiH i Ministra finansija i trezora BiH i direktorice Ureda Evropske banke za obnovu i razvoj (EBRD), a koji se odnosi na sredstava investicionog granta iz Sida – EBRD II programa za komunalni okoliš i klimu za Projekat „Regionalni vodovod Plava voda“ u ukupnom iznosu od 2 miliona Eura (ostalih 500.000 Eura, namijenjenih za konsultantske usluge, će prema objašnjenju dobivenom od EBRD biti realizovan kroz drugu proceduru).

U procesu potpisivanja Ugovora o grantu i njegovog ratificiranja, te prilagođavanju tenderske dokumentacije novim zahtjevima općina/JKP-a, usaglašavanju tih zahtjeva sa Sidom i EBRD-om izgubljeno je puno više vremena no što je planirano.

Iz toga razloga, 30.07.2019.g. Preduzeće je primilo dopis od Ambasade Švedske gdje navode ultimatum da se do 31.12.2019.g. sprovede nabavka i odabere Konsultant za FOPIP te hitno pokrene tenderska procedura za pokretanje planiranih nabavki što je od strane Preduzeća uz podršku Konsultanata i urađeno. Konsultant „Sahsen Wasser“ je imao zadatak pripremiti tendersku dokumentaciju za nabavku Konsultanta za FOPIP koji bi uz to vršio dužnost Nadzora nad Radovima

⁷ engl. Financial and Operational Improvement Program – Program finansijskog i operativnog jačanja preduzeća



na lokalnoj vodoopskrbnoj mreži, dok je Konsultant „Hydro Control“ dobio zadatak da pripremi tehničke specifikacije i tendersku dokumentaciju za nabavku tih Radova u čiju svrhu su održani sastanci sa predstavnicima Vodovodnih preduzeća.

Međutim, iako je tenderska dokumentacija dobrim dijelom bila pripremljena, u 12. mjesecu 2019.g. na osnovu komunikacije sa predstavnicima Side, moralo pristupiti novoj izmjeni koncepta i kompletne tenderske dokumentacije, što je u konačnici rezultiralo i izmjenom PIP-a 16.12.2019.g.

Ovo prilagođavanje zahtjevima Side, je zahtijevalo (i još uvijek zahtijeva) ulaganje dodatnih napora od strane Preduzeća kao svih ostalih učesnika.

Tijekom prve polovice 2020.g. obavljen je niz razgovora i usaglašavanja tenderske dokumentacije za nabavku FOPIP konsultanta između Preduzeća, Side (preko EBRD-a) i JKP-ova. Pokušalo se iznaći rješenje za uklapanje u Projektni zadatak zahtjeva JKP ViK Zenica koje je već primilo FOPIP pomoć kroz raniji projekat te bi mu sada koristile neke druge usluge, no taj zahtjev nije prošao odobrenje Side. Također veliki naponi su utrošeni oko rješavanja i usaglašavanja sa Sidom (preko EBRD-a) i oko uključivanja JKP „Trebišnjica“ (Općina Travnik) u Projektni zadatak koje, nekim slučajem, nije uključeno u prve verzije tenderske dokumentacije iako je i za njega izrađenja Studija smanjenja gubitaka iz 2012.g.

Tender za izbor konsultantske kuće je, u konačnici usaglašen i pokrenut 28.08.2020.g., a Komisija za izbor je sastavljena od predstavnika svih općina korisnika FOPIP-a.

Također, Vlada FBiH je na sjednici koja je održana 19.03.2020.g. donijela Odluku o davanju saglasnosti za prihvaćanje grant sredstava za Projekat „Plava voda“, a potom je donesena odluka o Ratificiranju Ugovora o grantu na oba doma Parlamenta BiH (Predstavnički dom i Dom naroda) dana 08.07.2020.g. Nakon toga, potpisani su i Supsidijarni ugovor o grantu između BiH i FBiH (24.11.2020.), kao i Podgovori o grant između Federalnog ministarstva finansija i Općina: Travnik, Novi Travnik, Busovača i Grad Zenica (27.11.2020.). Preduzeće je (telefonski) 28.12.2020.g. informisano da je Ministarstvo pravde BiH donijelo pozitivno Pravno mišljenje po ovom grantu i da ga je dostavilo EBRD-u čime je procedura za raspoloživost granta od strane lokalnih učesnika okončana.

Međutim, mora se imati u vidu, da će do stvarne realizacije projekta FOPIP, doći samo nakon saglasnosti od strane EBRD-a i za očekivati je da će dobivanje te saglasnosti biti usko vezano sa dinamikom sprovođenja ostalih aktivnosti na cijelom Projektu „Plava voda“.

17. Komunikacija sa zainteresiranim stranama

Obzirom na veliku zainteresovanost javnosti za realizaciju Projekta „Plava voda“, Preduzeće je poduzelo niz mjera koje kontinuirano osiguravaju maksimalnu transparentnost svih spvođenih aktivnosti. Neke od tih provedenih mjera su slijedeće:

- redovno slanje izvještaja o radu i planova rada organima upravljanja Preduzeća;
- redovno ažuriranje web-stranice Preduzeća sa svim značajnijim aktivnostima;
- redovno informisanje javnosti preko službi općina o svim značajnijim aktivnostima;
- redovno infomisanje javnosti preko lokalnih medija o svim značajnijim aktivnostima;



- davanje izjava i informacija svim medijima na zahtjev (printani mediji, tv i radio);
- sastanci sa mjesnim zajednicama;
- odaziv na pozive svih relevantnih skupova koji se tiču Projekta i
- mogućnost svake stranke da se lično upozna sa informacijama o Projektu u prostorijama Preduzeća.

18. Dalje aktivnosti na realizaciji Projekta „Plava voda“

Najbitnije buduće planirane aktivnosti na realizaciji Projekta „Plava voda“ su :

a. Proglašenje efektivnosti kredita CEB;

Za realizaciju ove aktivnosti, najbitnije je ispunjenje slijedeća dva preduslova, koja realno predstavljaju i najveće trenutne uzroke zastoja na Projektu:

1) Donošenje Odluke Vlade FBiH o učešću Fonda za zaštitu okoliša FBiH u otplati zajma prema predviđenom planu (za dodatna pojašnjenja pogledati jednu od intervencija od strane Preduzeća prema Vladi FBiH, Informacija od strane Preduzeća prema SBK, kao i intervenciju SBK prema Vladi FBiH po ovom pitanju u Prilogu 3a, 3b i 3c) i

2) Ispunjavanje obaveza ZDK-a. Ovdje je potrebno istaći da je u procesu subsidijarnog zaduženja za kredit kod banke EBRD, nakon više od godinu dana zastoja ZDK potpisao Podgovor u zajmu sa FBiH, dana 20.06.2019.g. Na osnovu tog Podgovora, ZDK je u obavezi da FBiH kao sredstvo osiguranja dostavi mjenice u iznosu preuzetog zaduženja. Ta obaveza do pisanja ove Informacije nije ispunjena i prouzrokovala je blokadu od strane FBiH vezano za isplate koje je sada potrebno napraviti iz kredita EBRD-a prema već angažovanim konsultantima. Prema našim informacijama, obrazloženje ZDK-a za neispunjenje ove obaveze je da bi u čitav proces subsidijarnog zaduženja trebalo uključiti i izdavanje mjenica od strane Fonda, dok s druge strane Fond tvrdi da je taj zahtjev ZDK-a, obzirom na vrstu angažmana Fonda nelogičan i neargumentiran.

Obzirom da se sada provode aktivnosti i na procesu zaduženja kod banke CEB, ZDK je u obavezi da po istom principu potpiše Podgovor sa FBiH i za ovu banku, međutim FBiH ne pristaje da se potpisuje Podgovor vezan za banku CEB dok se ne ispune preuzete obaveze iz već potpisanog Podgovora vezanog za banku EBRD (dostava mjenica). Preduzeće je poslalo urgenciju prema ZDK u vezi potpisivanja Podgovora o zajmu, a koja se tiču planiranog zaduženja kod banke CEB , kao i urgenciju prema Premijeru SBK preko jednog od članova Upravnog odbora Projekta sa očekivanjima da će to biti efikasniji način i na osnovu koje je SBK poslao dopis ZDK u kojem je zatražio ubranu proceduru za potpisivanje navedenog Podgovora o zajmu (za dodatna pojašnjenja pogledati urgencije od strane Preduzeća prema ZDK, kao i dopis u vezi ubrane procedure poslan od strane SBK prema ZDK po ovom pitanju u Prilogu 4a i 4b). Sa ovim problemom je upoznat i EBRD koji je konkretno reagovao prema ZDK (a i ostalim učesnicima Projekta) sa upozorenjem da će se kreditni aranžman otkazati ukoliko se ova problematika hitno ne riješi.

b. Eksproprijacija (rješavanje imovinsko-pravnih odnosa) na projektovanoj trasi vodovoda koja podrazumijeva prethodno implementiran Akcioni plan preseljenja;



- c. Sprovođenje završnih faza tendera za izgradnju vodovoda i tendera za izbor nadzora nad izvođenjem radova kao i tendera za izbor konsultanta za provođenja Projekta FOPIP (grant Side);
- d. Početak izgradnje vodovoda.

Napomena: Kao što se iz dosadšnjeg teksta Informacije može zaključiti, Aktivnosti pod b, c i d je nemoguće sprovesti dok se u potpunosti ne sprovede Aktivnost pod a.

19. Jedinica za implementaciju Projekta (PIU):

U svrhu jačanja kapaciteta Preduzeća, a istovremeno zadovoljavanja uvjeta iz Projektnog ugovora (točka 2.03) da bi se olakšala koordiniranost, upravljanje i procjenjivanje svih aspekata provedbe Projekta, uključujući nabavku robe, radova i usluga za Projekt, Preduzeće je u uskoj suradnji s općinama i njihovim komunalnim preduzećima (JKP), uspostavilo Jedinicu za implementaciju Projekta (PIU) u koji su uključeni odgovarajući kvalificirani stručnjaci. Trenutni, formalni sastav PIU-a čini 28 članova različitih stručnih područja i osnovan je donošenjem Odluke o formiranju PIU „Plava voda“ 17.04.2018.g. Unatoč brojnosti članova u PIU, bitan nedostatak jest što ti članovi nisu u punoj radnoj obavezi prema Projektu, nego im djelovanje u PIU predstavlja sporednu radnu obavezu, tj. primarne radne obaveze koje ti članovi redovno obavljaju u institucijama, a koje su ih predložile u sastav PIU, onemogućavaju njihovo kvalitetno uključivanje u implementaciju Projekta. Stoga se može konstatovati da je rad PIU sveden na učešće u radu Komisija za pripremu i provođenje tendera te na konsultacije po nekim iznimno važnim pitanjima kao što su donošenje odluke o promjeni koncepta tendera i donošenje odluke o promjeni cijevnog materijala.

Bitno je istaknuti da je sastav PIU-a fleksibilan, odnosno učesnici Projekta mogu mijenjati i dodavati nove članove u zavisnosti od potrebe Projekta ili usljed nekih drugih promjenjenih okolnosti.

20. Upravni Odbor Projekta:

Da bi se doprinijelo rješavanju problema na realizaciji Projekta koji su van domena Uprave Preduzeća, a istovremeno ispunili uvjet Projektnog ugovora (točka 2.01 (a)) donesen je Sporazum o formiranju Upravnog odbora Projekta „Plava voda“ čija uloga je praćenje rada i davanje preporuka PIU, doprinos u rješavanju ključnih pitanja vezanih za realizaciju Projekta, osiguravanje političke podrške Projektu, promovisanje pozitivnih vrijednosti Projekta svim zainteresiranim stranama.

Upravni odbor Projekta „Plava voda“ čine: Načelnici općina Travnik, Busovača i Novi Travnik, Gradonačelnik grada Zenice, Premijeri (i/ili predstavnici) SBK i ZDK, predstavnik Fonda te Direktor i Zamjenik Direktora Preduzeća. Upravni odbor je u proteklom periodu održavao sastanke po potrebi ili se u zavisnosti od nastale problematike kapacitet članova Upravnog odbora pokušavao iskoristiti pojedinačno u svrhu olakšanja realizacije Projektnih aktivnosti.

21. Funkcionisanje Preduzeća

Zbog niza specifičnosti koje proizilaze iz načina uspostave i organizacije Preduzeća od strane osnivača, kao i načina njegovog finansiranja, koje je najblaže rečeno neadekvatno za vođenje ovakvog Projekta, pojavljuje se niz praktičnih problema koji su neuobičajeni za upravljanje projektima i koji dodatno otežavaju funkcionisanje Preduzeća i vođenje Projekta. Ova problematika zahtijeva posebnu



analizu i reakciju od strane organa upravljanja Preduzeća, a za potrebe ovog dokumenta iznosimo samo neke činjenice koje djelimično oslikavaju navedenu situaciju:

- Statut Preduzeća nije prilagođen novom Zakonu o privrednim društvima;
- „Privremeni Pravilnik o unutrašnjoj organizaciji i sistematizaciji“ nije prilagođen novim zakonskim odredbama i potrebama Projekta;
- Mandat Nadzornog odbora (NO-a) Preduzeća je istekao, a novi NO još nije izbran tako da Preduzeće preko godinu dana funkcioniše bez NO-a, bez usvojenih planova i izvještaja o radu, itd.;
- Mandat direktora je istekao, tako da ovu funkciju obnaša VD;
- Funkciju Zamjenik direktora obnaša VD;
- Preduzeće ima samo jednog zaposlenika na neodređeno vrijeme (tehnička sekretarica);
- Zaposlenici koji sprovode vrlo bitne aktivnosti (dipl. pravnik i dipl.ing. građevine) su zaposleni na određeno vrijeme (ili se angažuju po ugovoru o djelu), a plaćanje njihovog rada se mora subvencionirati iz drugih, vanrednih izvora (Zavod za zapošljavanje, SBK);
- Finansiranje Preduzeće od strane Grada Zenice i Općine Travnik jedva da je dostatno za plaćanje elementarnih troškova rada Preduzeća tako da svaki dodatni trošak koji se pojavljuje u vođenju Projekta (npr. obnova dokumentacije i sl.) stvara dodatne poteškoće u radu.

Preduzeće se više puta obraćalo nadležnim institucijama po gore navedenim stavkam, a što je istaknuto u Prilogu 5 i Prilogu 6.

22. Završna napomena

Zbog dugog perioda koji ova Informacija obuhvata, svjesni smo da možda sva poglavlja nisu dovoljno i jasno obrazložena pa ističemo da sva detaljnija obrazložjenja napisanog možete uvijek dobiti od strane Preduzeća u formi i na način koji vam odgovara.



PRILOZI:

Prilog 1: Šema pravne strukture realizacije (zaduženja i otplate) kredita EBRD

Prilog 2a: Urgencija u vezi usvajanja Odluke o prihvatanju zaduženja po Okvirnom sporazumu o zajmu između BiH i banke CEB, upućena predsjedavajućem Doma Naroda F BiH od strane Preduzeća, dana 27.02.2020.g.

Prilog 2b: Urgencija u vezi usvajanja Odluke o prihvatanju zaduženja po Okvirnom sporazumu o zajmu između BiH i banke CEB, upućena predsjedavajućem i potpredsjedavajućem Doma Naroda F BiH od strane Preduzeća, dana 25.06.2020.g.

Prilog 2c: Urgencija u vezi usvajanja Odluke o prihvatanju zaduženja CEB za realizaciju projekta „Plava voda“, upućena potpredsjednici F BiH gđi. Meliki Mahmutbegović od strane Preduzeća, dana 25.06.2020.g.

Prilog 3a: Urgencija za donošenje Odluke Vlade F BiH o učešću Fonda za zaštitu okoliša F BiH u otplati CEB zajma za Projekat „Plava voda“, upućena prema Vladi F BiH od strane Preduzeća, dana 22.10.2020.g.

Prilog 3b: Informacija u vezi učešća Fonda za zaštitu okoliša F BiH u otplati CEB zajma za Projekat „Plava voda“, upućena SBK od strane Preduzeća, dana 03.11.2020.g.

Prilog 3c: Urgencija za donošenje Odluke Vlade F BiH o učešću Fonda za zaštitu okoliša F BiH u otplati CEB zajma za Projekat „Plava voda“, upućena prema Vladi F BiH od strane SBK, dana 06.11.2020.g.

Prilog 4a: Urgencija u vezi potpisivanja Podugovora o zajmu, a koja se tiče planiranog zaduženja kod banke CEB, upućena prema ZDK (Premijeru, Ministarstvu finansija i Ministarstvu prevoza i uprave) od strane Preduzeća, dana 05.10.2020.g.


Prilog 4b: Dopis u vezi ubrzanja procedure za potpisivanje Podugovora o zajmu, a koja se tiče planiranog zaduženja kod banke CEB, upućeno ZDK od strane SBK, dana 28.10.2020.g.

Prilog 5: Urgencija u vezi donošenja odluke o imenovanju NO Preduzeća, upućena Općini Travnik (Načelniku i Skupštini Preduzeća) i Gradu Zenica (Gradonačelniku i Skupštini Preduzeća) od strane Preduzeća, dana 18.02.2020.g.

Prilog 6: Dopis u vezi jačanja kapaciteta Preduzeća upućen Općini Travnik (Načelniku i Skupštini Preduzeća) i Gradu Zenica (Gradonačelniku i Skupštini Preduzeća) od strane Preduzeća, dana 07.12.2020.g.



ŠEMA PRAVNE STRUKTURE REALIZACIJE KREDITA - EBRD



Legenda:

LA - Loan Agreement (Ugovor o zajmu)

SLA - Subsidiary Loan Agreement (Subsidijski ugovor o zajmu)

PSA - Project Support Agreement (Ugovor o podršci projektu)

PA - Project Agreement (Projektni ugovor)

Javno preduzeće/poduzeće Regionalni vodovod „Plava voda“ d.o.o. Travnik



Ul. Zenjak bb 72270 Travnik, Tel: 030 511 133 Fax: 030 511 132

www.jprvplavavoda.ba, e-mail: prv.plavavoda@bih.net.ba

ŽR: 1607010000005738 VAKUFСКА BANKA dd Sarajevo; 141-436-53200089-37 BBI BH dd Sarajevo

ID.BR. 4236481050004, Općinski sud u Travniku, 51-01-0803-09; PDV 236481050004

Dopis broj: 30/20

U Travniku, 27.02.2020.g.

PARLAMENT FEDERACIJE BOSNE I HERCEGOVINE

DOM NARODA

(n/r: Predsjedavajućeg Doma naroda)

Predmet: Urgencija u vezi usvajanja Odluke o prihvatanju zaduženja po Okvirnom sporazumu o zajmu između Razvojne banke Vijeća Evrope (CEB) i BiH za realizaciju Projekta „Plava voda“.

Poštovani,

Ovim putem Vam se obraćamo sa urgencijom za usvajanja Odluke o prihvatanju zaduženja po Okvirnom sporazumu o zajmu između Razvojne banke Vijeća Evrope (CEB) i Bosne i Hercegovine za realizaciju projekta „Plava voda“ (Okvirni sporazum je potpisan 11.05.2018.g. u Sarajevu i 16.05.2018.g. u Parizu).

Naime, nakon provedenih dugotrajnih i kompleksnih procedura između državnog nivoa Bosne i Hercegovine i banke CEB, navedena Odluka je usvojena na Vladi Federacije (u oktobru 2018.g.), a zatim i na Predstavničkom domu Parlamenta Federacije BiH (u julu 2019.g.). Da bi se procedura proglašenja efikasnosti zajma mogla dalje odvijati neophodno je da Odluku o prihvatanju zaduženja usvoji i Dom naroda Federacije BiH.

Prema informacijama koje mi imamo, ova Odluka je bila na Dnevnom redu Doma naroda Federacije BiH, dana 03.10.2019.g. (tačka 12.), ali tog dana sjednica nije bila održana zbog nedostajećeg kvoruma.

Na slijedećim sjednicama Doma naroda Federacije BiH sve do današnjeg dana ova Odluka nije usvojena niti je tačka o usvajanju Odluke bila na Dnevnom redu.

Podsjećamo da projekat „Plava voda“ ima izuzetnu socijalno-ekološku važnost za preko 200 000 naših građana sa područja grada Zenice i općina: Travnik, Novi Travnik i Busovača. Projekat se finansira i kreditnim sredstvima banaka EBRD i CEB (po 11 miliona Eura), a dio sredstava se planira osigurati iz granta SIDE (2,5 miliona Eura).

U strukturu zaduženja i otplate kredita su pored spomenutih općina/grada, direktno uključeni i SBK, ZDK te Fond za zaštitu okoliša FBiH.

Obzirom da se kreditna sredstva banke CEB planiraju koristiti za proces eksproprijacije koji je jedan od preduslova otpočinjanja građevinskih radova, svaki zastoј na proglašenju efektivnosti kredita ima direktne negativne konsekvence na sve učesnike Projekta.

S tim u vezi Vas molimo da sa funkcije koju obnašate uložite dodatne napore da se predmetna Odluka što prije usvoji i u Domu naroda Federacije BiH.

S poštovanjem,

JP RV „Plava voda“ d.o.o. Travnik:

v.d. direktor: mr.sc. Ernad Granić, dipl. ing.

Dostaviti:

- Naslovu (pošta, fax, email).
- a/a

Javno preduzeće/poduzeće Regionalni vodovod „Plava voda“ d.o.o. Travnik



Ul. Zenjak bb 72270 Travnik, Tel: 030 511 133 Fax: 030 511 132

www.iprvplavavoda.ba, e-mail: prv.plavavoda@bih.net.ba

ŽR: 160701000005738 VAKUFСКА BANKA dd Sarajevo; 141-436-53200089-37 BBI BH dd Sarajevo

ID.BR. 4236481050004, Općinski sud u Travniku, 51-01-0803-09; PDV 236481050004

Dopis broj: 86/20

U Travniku, 25.06.2020.g.

PARLAMENT FEDERACIJE BOSNE I HERCEGOVINE DOM NARODA

(n/r: Predsjedavajućeg Doma naroda)

(n/r: Potpredsjedavajućeg Doma naroda)

Predmet: Urgencija u vezi usvajanja Odluke o prihvatanju zaduženja po Okvirnom sporazumu o zajmu između Razvojne banke Vijeća Evrope (CEB) i BiH za realizaciju projekta „Plava voda“, **dostavlja se -**

Poštovani,

Ovim putem vam se obraćamo sa urgencijom za usvajanja Odluke o prihvatanju zaduženja po Okvirnom sporazumu o zajmu između Razvojne banke Vijeća Evrope (CEB) i Bosne i Hercegovine za realizaciju projekta „Plava voda“ (Okvirni sporazum je potpisan 11.05.2018.g. u Sarajevu i 16.05.2018.g. u Parizu).

Naime, nakon provedenih dugotrajnih i kompleksnih procedura između državnog nivoa Bosne i Hercegovine i banke CEB, navedena Odluka je usvojena na Vladi Federacije BiH (u oktobru 2018.g.), a zatim i na Predstavničkom domu Parlamenta Federacije BiH (u julu 2019.g.). Da bi se procedura proglašenja efikasnosti zajma mogla dalje odvijati neophodno je da Odluku o prihvatanju zaduženja usvoji i Dom naroda Federacije BiH.

Prema informacijama koje mi imamo, ova Odluka je bila na Dnevnom redu Doma naroda Federacije BiH, dana 03.10.2019.g. (tačka 12.), ali tog dana sjednica nije bila održana zbog nedostajećeg kvoruma.

Na slijedećim sjednicama Doma naroda Federacije BiH sve do današnjeg dana ova Odluka nije usvojena niti je tačka o usvajanju Odluke bila na Dnevnom redu održanih sjednica.

Podsjećamo da projekat „Plava voda“ ima izuzetnu socijalno-ekološku važnost za preko 200 000 naših građana sa područja grada Zenice i općina: Travnik, Novi Travnik i Busovača. Projekat se finansira i kreditnim sredstvima banaka EBRD i CEB (po 11 miliona Eura), a dio sredstava se planira osigurati iz granta SIDE (2,5 miliona Eura).

U strukturu zaduženja i otplate kredita su pored spomenutih općina/grada, direktno uključeni i SBK, ZDK te Fond za zaštitu okoliša FBiH.

Obzirom da se kreditna sredstva banke CEB planiraju koristiti za proces ekproprijacije koji je jedan od preduslova otpočinjanja građevinskih radova, svaki zastoј na proglašenju efektivnosti kredita ima direktne negativne konsekvence na sve učesnike Projekta.

S tim u vezi vas molimo da uložite dodatne napore da se trenutna situacija prevaziđe te da se navedena Odluka što prije usvoji u Domu naroda Federacije BiH.

Napominjemo da smo se sa Urgencijom istog sadržaja, već obraćali Predsjedavajućem Doma naroda (dana 27.02.2020.g., broj: 30/20).

S poštovanjem,

JP RV „Plava voda“ d.o.o. Travnik:

v.d. direktor: mr.sc. Ernad Granje, dipl. ing.

Dostaviti:

Javno preduzeće/poduzeće Regionalni vodovod „Plava voda“ d.o.o. Travnik



Ul. Zenjak bb 72270 Travnik, Tel: 030 511 133 Fax: 030 511 132

www.jprv.plavavoda.ba, e-mail: jprv.plavavoda@bih.net.ba

ŽR: 160701000005738 VAKUFSKA BANKA dd Sarajevo; 141-436-53200089-37 BBI BH dd Sarajevo

ID.BR. 4236481050004, Općinski sud u Travniku, 51-01-0803-09; PDV 236481050004

Dopis broj: 87/20

U Travniku, 25.06.2020.g.

FEDERACIJA BOSNE I HERCEGOVINE

(n/r: Potpredsjednici Federacije gđi. Meliki Mahmutbegović)

Predmet: Urgencija u vezi usvajanja Odluke o prihvatanju zaduženja CEB za realizaciju projekta „Plava voda“, dostavlja se –

Poštovana,

Zbog izuzetne važnosti, ovim putem želimo da iniciramo Vaš angažman na što hitnijem usvajanju Odluke od strane Doma Naroda Federacije BiH, a koja se tiče prihvatanja zajma od Razvojne banke Vijeća Europe (CEB) za realizaciju Projekta „Plava voda“.

Naime, nakon provedenih dugotrajnih i kompleksnih procedura između državnog nivoa Bosne i Hercegovine i banke CEB, navedena Odluka je usvojena na Vladi Federacije BiH (u oktobru 2018.g.), a zatim i na Predstavničkom domu Parlamenta Federacije BiH (u julu 2019.g.).

Da bi se procedura proglašenja efikasnosti zajma mogla dalje odvijati neophodno je da Odluku o prihvatanju zaduženja usvoji i Dom naroda Federacije BiH.

Prema informacijama koje mi imamo, ova Odluka je bila na Dnevnom redu Doma naroda Federacije BiH, dana 03.10.2019.g. (tačka 12.), ali tog dana sjednica nije bila održana zbog nedostajećeg kvoruma.

Na slijedećim sjednicama Doma naroda Federacije BiH sve do današnjeg dana ova Odluka nije usvojena niti je tačka o usvajanju Odluke bila na Dnevnom redu održanih sjednica.

Podsjećamo da projekat „Plava voda“ ima izuzetnu socijalno-ekološku važnost te da bi se njegovom realizacijom riješilo dugoročno vodosnabdijevanje za preko 200 000 naših građana sa područja grada Zenice i općina: Travnik, Novi Travnik i Busovača. Projekat se finansira kreditnim sredstvima banaka EBRD i CEB (po 11 miliona Eura), a dio sredstava se planira osigurati iz granta SIDE (2,5 miliona Eura).

U strukturu zaduženja i otplate kredita su pored spomenutih općina/grada, direktno uključeni i SBK, ZDK te Fond za zaštitu okoliša FBiH.

Sredstva banke CEB čine čak polovinu cjelokupnog kreditnog aranžmana za realizaciju Projekta, a ta sredstva se između ostalog planiraju koristiti i za proces ekproprijacije koji je preduslov početka građevinskih radova. Samim tim, evidentno je koliko nam ovaj zastoj ugrožava čitavu koordinaciju i sinhronizaciju planiranih aktivnosti, a pogotovo ako se ima u vidu da se već sprovode konkretne aktivnosti na izboru izvođača radova i izboru nadzora nad izvođenjem radova za realizaciju Projekta.

Napominjemo da smo se sa Urgencijom istog sadržaja već obraćali Predsjedavajućem Doma naroda Federacije BiH (dana 27.02.2020.g. broj: 30/20), a i ponovno, sa istom Urgencijom na adresu Predsjedavajućeg i Potpredsjedavajućeg Doma naroda (dana 25.06.2020.g.), te Vam kopiju navedene Urgencije dostavljamo u prilogu ovog Dopisa.

Unaprijed zahvaljujemo na Vašem angažmanu po ovom pitanju.

S poštovanjem,

JP RV „Plava voda“ d.o.o. Travnik:

v.d. direktor: mr.sc. Ernad Granić, dipl. ing.

Dostaviti:

- Naslovu (pošta, fax, email);

- a/a

Javno preduzeće/poduzeće Regionalni vodovod „Plava voda“ d.o.o. Travnik



Ul. Zenjak bb 72270 Travnik. Tel: 030 511 133 Fax: 030 511 132

www.prvoplavavoda.ba, e-mail: prv.plavavoda@bih.net.ba

ŽR: 1607010000005738 VAKUFSKA BANKA d.o Sarajevo; 141-436-53200089-37 BBI BH dd Sarajevo
ID.BR. 4236481050004, Općinski sud u Travniku, 51-01-0803-09; PDV 236481050004

Dopis broj: 192/20

U Travniku, 22.10.2020.g.

VLADA FEDERACIJE BOŠNE I HERCEGOVINE

Predmet: Urgencija za donošenje Odluke Vlade Federacije BiH o učešću Fonda za zaštitu okoliša Federacije BiH u otplati CEB zajma za Projekat „Plava voda“,
dostavlja se -

Poštovani,

Ovim putem vam se obraćamo sa urgencijom za što hitnije donošenje Odluke Vlade Federacije BiH o učešću Fonda za zaštitu okoliša Federacije BiH (Fond) u otplati zajma od Razvojne Banka Vijeća Europe (CEB), a koja bi omogućila nastavak realizacije Projekta „Plava voda“. Po predviđenim procedurama zaduženja, bez ove Odluke, Fond ne može da preuzme obavezu otplate zajma čime je realizacija čitavog Projekta, onemogućena i postoji realna mogućnost da se Projekat otkaze i od strane EBRD-a.

Napominjemo da smo se sa dopisima po ovom pitanju već obraćali i Fondu, kao i nadležnom Federalnom ministarstvu okoliša i turizma (FMOIT), ali na osnovu odgovora koji smo dobili, cijenimo da je još jedino preostalo da se mi, kao Projektni entitet, direktno na ovaj način obratimo Vladi Federacije BiH i tako pokušamo inicirati donošenje Odluke.

U Prilogu vam dostavljamo gore navedenu prepisku sa Fondom i FMOIT, kao i detaljnu informaciju o Projektu „Plava voda“, s tim što bi kao najbitnije i u ovom aktu istakli slijedeće činjenice:

1. Kompletna finansijska struktura Projekta „Plava voda“ je bazirana na zaduženju kod banaka EBRD i CEB te na procentualnom učešću Fonda od 25% u otplati ukupnog zajma koji iznosi 22 miliona EUR (EBRD – 11 miliona EUR i CEB – 11 miliona EUR), što znači da učešće Fonda u otplati CEB zajma iznosi 2.750.000 EUR (slovima: dvamilionasedamstopeidesethiljada eura) plus pripadajući troškovi kamata i ostalih naknada, uz grace period od 5 godina i rokom otplate od 20 godina.
2. Nakon niza sprovedenih pripremnih aktivnosti, Država BiH je već potpisala Okvirni sporazum o zajmu sa bankom CEB; Zaduzenje je dalje prihvaćeno od strane Vlade Federacije BiH i oba doma Federalnog parlamenta;
3. Banka EBRD je za Projekat „Plava voda“ već uložila znatna materijalna sredstva putem granta i to:
 - 600.000 EUR za izradu projektne dokumentacije;
 - 77.000 EUR kao početnu konsultantsku podršku u implementaciji Projekta;
4. U slučaju otkaza kredita postoji realna mogućnost da EBRD traži od Države BiH minimalnu naknadu od 2 miliona EUR;
5. Uz realizaciju Projekta su vezana i Sida (Švedska agencija za međunarodni razvoj) grant sredstva u iznosu od 2, 5 miliona EUR koje će dobiti korisnici Projekta (Grad Zenica i općine: Travnik, Novi Travnik i Busovača) za rekonstrukciju postojeće vodovodne mreže, te bi u slučaju otkaza i ovaj grant bio otkazan.

Javno preduzeće/poduzeće Regionalni vodovod „Plava voda“ d.o.o. Travnik



Ul. Zenjait bb 72270 Travnik, Tel: 030 511 133 Fax: 030 511 132

www.jprvplovavoda.ba, e-mail: jprvplovavoda@bih.net.ba

ŽR: 1607010000005738 VAKUFSKA BANKA dd Sarajevo; 141-436-53200089-37 BBI BH dd Sarajevo

ID.BR. 4236481050004, Općinski sud u Travniku, 51-01-0803-09; PDV 236481050004

Jasno je da bi, ukoliko bi realizacija Projekta bila onemogućena, pored navedenih negativnih finansijskih konsekvenci i cijela Država BiH, uključujući institucije i aktere sa svih nižih nivoa, izgubile dignitet i kredibilitet kod međunarodnih organizacija, prvenstveno kod banaka EBRD, CEB te Side.

Stoga, a imajući u vidu i da je Projekat „Plava voda“ zbog izuzetne socijalne važnosti za snabdijevanje vodom oko 200 000 naših građana prepoznat i uvršten na listu prioriternih projekata u PJI Federacije BiH 2020-2022.g., očekujemo da ćete učiniti sve što je u vašoj moći da navedenu Odluku što prije donesete.

Sve detaljnije relevantne informacije o Projektu možete naći u Prilozima koje vam dostavljamo, a svakako vam i mi stojimo na raspolaganju za sva eventualna pitanja koja budete imali.

S poštovanjem,

U prilogu:

Prilog br. 1: Dopis Fondu, broj: 133/20 od 16.09.2020.g.

Prilog br. 2: Odgovor Fonda, broj: 01- 05 - 2 -39 – 2688/2020 od 23.09.2020.g.

Prilog br.3: Dopis FMOiT, broj: 155/20 od 25.09.2020.g.

Prilog br. 4: Odgovor FMOiT, broj: 04-23-1139/15 od 15.10.2020.g.

Prilog br. 5: Informacija o Projektu „Plava voda“.

JP RV „Plava voda“ d.o.o. Travnik:
v.d. direktor: Ernad Granić

Dostaviti:

-Naslovu (pošta)

- a/a

Javno preduzeće/poduzeće Regionalni vodovod „Plava voda“ d.o.o. Travnik



Ul. Zenjak bb 72270 Travnik, Tel: 030 511 133 Fax: 030 511 132

www.jprvoplavavoda.ba, e-mail: jprvoplavavoda@bih.net.ba

ŽR: 1607010000005738 VAKUFKA BANKA dd Sarajevo; 141-436-53200089-37 BBI BH dd Sarajevo

ID.BR. 4236481050004, Općinski sud u Travniku, 51-01-0803-09; PDV 236481050004

Dopis broj: 201/20

U Travniku, 03.11.2020.g.

SBK

(n/r! Premijera)

Predmet: Informacija u vezi učešća Fonda za zaštitu okoliša Federacije BiH u otplati CEB zajma za Projekat „Plava voda“,
dostavlja se -

Poštovani,

Ovim putem Vas kao člana Upravnog odbora Projekta „Plava voda“ informišemo o zastoju na donošenju Odluke koju treba da donese Vlada Federacije BiH, a kojom bi se omogućilo planirano učešće Fonda za zaštitu okoliša FBiH (Fond) u otplati zajma za realizaciju Projekta „Plava voda“.

S tim u vezi dajemo Vam kratku hronologiju najbitnijih momenata u vezi ovog zastoja:

- Nakon donošenja Odluke od strane Doma naroda FBiH, (dana 29.07.2020.g.) JP RV „Plava voda“ d.o.o. Travnik (JP) se obratilo Fondu dana 16.09.2020.g., u cilju provođenja dalje procedure za njegovo učešće u otplati zajma CEB;
- JP-e je dana 25.09.2020.g. zaprimilo odgovor od strane Fonda u kojem se sugeriše da se JP po ovom pitanju obrati Federalnom ministarstvu okoliša i turizma (FMOiT), kao nadležnom ministarstvu Fonda, kao i da bi učešće Fonda u otplati CEB zajma bilo neosnovano bez donesene Odluke od strane Vlade Federacije BiH;
- JP-e je hitno reagovalo i istog dana se prema dobivenim sugestijama putem Dopisa obratilo i FMOiT, kao nadležnom ministarstvu Fonda.
- U odgovoru koji je dana 20.10.2020.g. stigao od strane FMOiT se između ostalog navodi da Fond **nema mogućnosti da učestvuje u otplati CEB zajma.**

Stoga je JP-e procijenilo da je još jedino preostalo da se po ovom pitanju direktno obrati Vladi Federacije BiH, što je i učinjeno Urgencijom na adresu Vlade Federacije dana 22.10.2020.g. Uz Urgenciju u kojoj su ukratko istaknute konsekvence eventualnog nedonošenja Odluke o učešću Fonda u otplati CEB zajma, kao prilozi su dostavljeni i Dopis Fondu (broj.133/20 od 16.09.2020.g.) i odgovor Fonda (broj: 01-05-2-39-2688/2020 od 23.09.2020.g.), Dopis FMOiT (broj: 155/20 od 25.09.2020.g.) i odgovor FMOiT (broj: 04-23-1139/15 od 15.10.2020.g.) kao i „Informacija o Projektu „Plava voda“ (datum: 01.10.2020.g.).

Nakon slanja ovog Dopisa, JP-e održava stalnu komunikaciju sa Sekretarijatom i Pisarnicom Vlade Federacije BiH, od kojih smo dobili potvrdu da su oni zaprimili našu Urgenciju, ali da nam ne mogu dati informaciju gdje će ona dalje otići i ko će biti zadužen za realizaciji iste.

Prema našim iskustvima, ova situacija može da potraje te Vas molimo da sa Vaše strane pokušate učiniti sve kako bi se što prije prevazišla.

Podsjećamo da kompletna finansijska struktura Projekta „Plava voda“ je bazirana na zaduženju kod banaka EBRD i CEB, te na procentualnom učešću Fonda od 25% u otplati ukupnog zajma koji iznosi 22 miliona EUR (EBRD – 11 miliona EUR i CEB – 11 miliona EUR).

Javno preduzeće/poduzeće Regionalni vodovod „Plava voda“ d.o.o. Travnik



Ul. Zenjak bb 72270 Travnik, Tel: 030 511 133 Fax: 030 511 132

www.joprplavavoda.ba, e-mail: jopr.plavavoda@bih.net.ba

ŽR: 1607010000005738 VAKUFKA BANKA dd Sarajevo; 141-436-53200089-37 BBI BH dd Sarajevo

ID.BR. 4236481050004, Općinski sud u Travniku, 51-01-0803-09; PDV 236481050004

Postoji realna bojazan da usljed velikog kašnjenja (samo na Odluku Doma naroda o prihvatanju zaduženja kod banke CEB, se čekalo više od godine dana), odnosno bez donošenje ove Odluke od strane Vlade Federacije BiH, Fond neće moći da preuzme obavezu otplate CEB zajma, čime bi realizacija čitavog Projekta bila onemogućena i stvorila bi se realna pretpostavka da se Projekat otkáže i od strane EBRD-a.

JP RV „Plava voda“ d.o.o. Travnik:
v.d. direktor: mr.sc. Ernad Granić, dipl. ing.



Dostaviti:

-Naslovu (email, fax);

- a/a



Broj: 011-45-2236/20
Datum: 01.11.2020.g

VLADA FBiH
PREMIJER g. Fadil Novalić

PREDMET: Donošenje odluke Vlade FBiH kojom bi se omogućilo planirano učešće fonda za zaštitu okoliša FBiH u otplati zajma za realizaciju projekta „PLAVA VODA „

Poštovani,

Molimo Vas da ubrzate proceduru za donošenje gore navedene Odluke, kako bi se izbjeglo ugrožavanje čitavog projekta i onemogućilo otkazivanje projekta od strane EBRD-a. Naime, dobio sam informaciju od J.P. Regionalni vodovod PLAVA VODA d.o.o Travnik koju dostavljam u prilogu akta, iz koje je vidljiva zastoj nerazuman pristup na ovom projektu koji je davno definisan sa svih aspekata, pa i aspekta učešća fonda za zaštitu i okoliš FBiH u finansijskoj konstrukciji.

Očekujemo Vašu hitnu aktivnost i donošenje navedene Odluke kako bi projekat mogao ići u sljedeću fazu implementacije.

S poštovanjem!

Dostavljeno:

- Naslovu
- J.P. PLAVA VODA
- a/a

PREMIJER KANTONA

Tahir Lendo, dipl.ing

Javno preduzeće/poduzeće Regionalni vodovod „Plava voda“ d.o.o. Travnik



Ul. Zenjak bb 72270 Travnik, Tel: 030 511 133 Fax: 030 511 132

www.jprvplavavoda.ba, e-mail: prv.plavavoda@bih.net.ba

ŽR: 1607010000005738 VAKUFСКА BANKA dd Sarajevo; 141-436-53200089-37 BBI BH dd Sarajevo

ID.BR. 4236481050004, Općinski sud u Travniku, 51-01-0803-09; PDV 236481050004

Dopis broj: 166/20
U Travniku, 05.10.2020.g.

ZDK
(n/r: Premijeru)

MINISTARSTVO FINANSIJA ZDK
(n/r: Ministru)

MINISTARSTVO PRAVOSUĐA I UPRAVE
(n/r: Ministru)

Predmet: Urgencija u vezi potpisivanja Podugovora o zajmu,
dostavlja se -

Poštovani/a:

U cilju omogućavanja nastavka realizacije vrlo kompleksnog Projekta „Plava voda“, ovim putem želimo da istaknemo potrebu što hitnijeg potpisivanja Podugovora o zajmu između ZDK i Federacije BiH koju predstavlja Federalno ministarstvo finansija, a koja se tiče planiranog zaduženja kod banke CEB.

Naime, od Federalnog ministarstva finansija smo dobili informaciju da su vam dostavili tekst Podugovora o zajmu na usaglašavanje dana 02.09.2020.g. (više od mjesec dana), te vas stoga molimo da u skladu sa svojim mogućnostima učinite sve da se procedura potrebna za pripremu i potpisivanje navedenog Podugovora o zajmu što prije sprovede i realizuje.

S poštovanjem,

JP RV „Plava voda“ d.o.o. Travnik:
v.d. direktor: mr.sc. Ernad Granić, dipl. ing.

Dostaviti:

- Naslovu (email, fax)
- a/a



Broj: 01-11-2081/20
Datum: 28.10.2020.g

VLADA ZDK
PREMIJER
g. Ganić Mirza

PREDMET : POTPISIVANJE PREDUGOVORA O ZAJMU IZMEĐU FBIH I ZDK-a KOD
BANKE CEB
- UBRZANJE PROCEDURA, TRAZI SE

Poštovani premijeru koristim priliku da Vas srdačno pozdravim i zamolim da koliko je god moguće ubrzate aktivnosti i procedure na potpisu predugovora o zajmu između FBIH i ZDK-a kod CEB.

Naime, po informaciji iz J.P.R.V „PLAVA VODA „ d.o.o Travnik, (informacija u prilogu akta) postoje ozbiljni problemi zbog nepotpisivanja i kašnjenja kod banke CEB , što naravno ugrožava cjelokupan projekat „ PLAVA VODA“.

Očekujem Vašu hitnu aktivnost na ovom projektu

S poštovanjem!

Dostavljeno:
Naslovu
J.R PLAVA VODA d.o.o
a/a

PREMIJER KANTONA

Tahir Lendo, dipl.ing

Javno preduzeće/poduzeće Regionalni vodovod „Plava voda“ d.o.o. Travnik



Ul. Zenjak bb 72270 Travnik, Tel: 030 511 133 Fax: 030 511 132

www.jprvplavavoda.ba, e-mail: prv.plavavoda@bih.net.ba

ŽR: 1607010000005738 VAKUFСКА BANKA dd Sarajevo; 141-436-53200089-37 BBI BH dd Sarajevo

ID.BR. 4236481050004, Općinski sud u Travniku, 51-01-0803-09; PDV 236481050004

Dopis broj: 26/20

U Travniku, 18.2.2020.g.

OPĆINA TRAVNIK

(n/r: Gradonačelniku)

(n/r: Skupštini JP RV „Plava voda“ d.o.o. Travnik)

GRAD ZENICA

(n/r: Gradonačelniku)

(n/r: Skupštini JP RV „Plava voda“ d.o.o. Travnik)

**Predmet: Urgencija,
dostavlja se -**

Poštovani,

Smatram za potrebnim da vas na ovaj način informišem i upozorim da Skupština JP RV „Plava voda“ d.o.o. Travnik koja je započela dana 14.01.2020.g., a na kojoj se trebala donijeti Odluka o imenovanju Nadzornog odbora još nije zaključena, odnosno Zapisnik od strane Predsjednika Skupštine još nije potpisan, a samim tim ni Odluka o imenovanju Nadzornog odbora nije donesena.

Stoga sugerišem da Načelnik Općine Travnik pokuša kroz direktnu komunikaciju sa Predsjednikom Skupštine dati doprinos u prevazilaženju ove situacije kako bi se što prije osiguralo nesmetano, legalno i legitimno funkcionisanje organa upravljanja Preduzeća.

S poštovanjem,

JP RV „Plava voda“ d.o.o. Travnik

v.d. direktor: mr.sc. Ernad Granje, dipl. ing.

Dostaviti:

- Naslovu (email, fax)

- a/a

Javno preduzeće/poduzeće Regionalni vodovod „Plava voda“ d.o.o. Travnik



Ul. Zenjak bb 72270 Travnik, Tel: 030 511 133 Fax: 030 511 132

www.jprvplavavoda.ba, e-mail: prv.plavavoda@bih.net.ba

ŽR: 1607010000005738 VAKUFKA BANKA dd Sarajevo; 141-436-53200089-37 BBI BH dd Sarajevo

ID.BR. 4236481050004, Općinski sud u Travniku, 51-01-0803-09; PDV 236481050004

Dopis broj: 232/20

U Travniku, 07.12.2020.g.

1. Općina Travnik, Načelnik Admir Hadžiemrić
2. Grad Zenica, Gradonačelnik Fuad Kasumović
3. Skupština JP RV „Plava voda“ d.o.o. Travnik ispred Općine Travnik
4. Skupština JP RV „Plava voda“ d.o.o. Travnik ispred Grada Zenice

Na uvid:

Svim ostalim članovima Upravnog odbora Projekta „Plava voda“

Predmet: Dopis – jačanje kapaciteta JP-a,
dostavlja se -

Poštovani,

Nadajući se da će realizacija Projekta biti nastavljena, ovim putem još jednom iniciramo da poduzmete sve mjere iz vaše nadležnosti da se kapacitet JP-a što prije ojača.

Naime, u JP-u, jedino tehnička sekretarica ima adekvatno riješen status (sa Ugovorom o radu na neodređeno vrijeme), ali nažalost, zbog teške bolesti, ova zaposlenica je već duži period na bolovanju tako da smo naš rad morali prilagoditi i ovoj nepredviđenoj, otežavajućoj okolnosti.

Što se tiče ostalih uposlenika, JP već godinama nema direktora nego VD direktora, nema zamjenika direktora nego VD zamjenika direktora, a dva zaposlenika (dipl. pravnik i bachelor građevine) se godinama angažuju na osnovu ugovora o djelu ili ugovora o radu na određeno vrijeme i njihov angažman je moguć jedino ako JP uspije pronaći dodatna sredstva iz nekih drugih izvora (trenutno je to Zavod za zapošljavanje SBK, a u nekoliko navrata to je bio SBK na našu inicijativu, ali i uz podršku Premijera SBK-a bez čijeg uticaja mi ova sredstva vjerovatno ne bi dobili).

Podsjećamo da JP nema imenovan ni Nadzorni odbor više od godinu dana.

Složit ćete se da je ovakvo stanje u JP-u, preduzeću/projektnom entitetu koje vodi Projekat od gotovo 50 miliona KM i to sa nakompleksnijom finansijskom projektnom konstrukcijom u širem regionu, nedopustivo.

Da bi se ovo stanje unaprijedilo, iz nadležnosti Skupštine JP (osnivača), potrebno je da se HITNO:

- 1) riješi način finansiranja JP-a,
- 2) imenuje Nadzorni odbor koji će dalje provesti potrebne procedure iz svoje nadležnosti za adekvatno regulisanje statusa i rada menadžmenta i zaposlenika JP-a.

Naravno, ima tu još pitanja koja se trebaju riješiti, ali ova dva navedena su najhitija.

S poštovanjem,

Uprava JP RV „Plava voda“ d.o.o. Travnik:

Zamjenik direktora: Ivica Harambašić



Š.d. direktor: mr.sc. Ernad Granić, dipl. ing.

Dostaviti:

- Naslovu (email)